

MBUTO KAYESHI
KUHASA KUKASWANA
HAMWE NA CHIYAWUKO



Echa etu tutwalileho kwimana ha katando kakulomba.
Echa etu tunongamenu mitwe yetu.

² Ove Kalunga, etu twamone echi kupwa uselewa waunene, ufukuuno, hakupwa hano hali elu lwola, kuneha Kulishitu wa kuyoya kukaye kakufwa na chisemunuino cha kufwa.

³ Etu natuya nakuhula, Mwata, nge Enu namuya nakutuwavisa etu na mazu na ngolo jetu, nge akiko kaweshi kukinduluka kuli Ove chaupolongwa, oloze echa vakiko kuhasa chize vakiko vajinyine.

⁴ Kafwa kala muthu, pwevo, kanyike walunga, mokomoko kanyike wapwevo, hano ufukuuno, echi chinatondeka. Kaha, Tata, etu tunatachikiza etu twatondeka. Kaha omwo etu natuseza, ufukuuno, echa etu twiwwenga mukachi ka michima yetu nge vaze vejile kufuma ku Emau, hanyima ya . . .vamwene chize kusanguka cha Kulishitu, kuhanjika, “Kumana michima yetu kayawemanga mukachi ketu omu Ikiye ahanjikanga kuli etu mujila yosenako?” Tuhane echi, Mwata.

⁵ Hindula vakakuviza na kuyanda. Kanda nakupwa kala umwe mukachi ketu hanyima ya kutanga cha uno ufuku. Kaha helu lyavuma vyosena, kanda nakupwa numba umwe mukakuzeneka kufwelela mwasala, Mwata. Echa vakiko vosena kufwelela Kuyoya Chahaya myaka, mwomwo eyi ikiko punga ya kukunguluka hano.

⁶ Eji jikisu etu twajilombo kuhana kavumbi ku Wangana wa Kalunga, mu Lijina Iya Yesu Kulishitu, uze Mwana Kalunga. Amena.

Echa mutwame.

⁷ Echi chili chamwaza, ufukuuno, kukinduluka hano. Kaha Ngwamwene etu tukwechi kwimana nakujinguluka, kaha Ngwashinganyeka eji—eji jishinga jinasokoloka jino, kuli jimbongi jakuhandunuka mulifuchi lyosena; San Francisco, Tucson, kwiza na kumututuko. Kaha etu, kuhichila mu shinga, kutuma kumeneka kuli vakiko. Etu tuli muzuvo yayinene muno ufukuno. Kaha zuvo yayinene ivene yakuzala, kaha mujijila; kaha kujinguluka jimbango, kunema nakuzala na vathu. Kaha etu tunevwushisa nge hamene naufuku etu tuli nakuya

nakweseka kusokolola kusali ikwavo hano, kwakuhemena, kaha kupwa zuvo yayinene ize nayiya nakuzakamina pamo lizavu lyakuhambakana sauzande avathu. Shikaho etu tuli nakutalilila chize, hamane naufuku. Kachi chili chakuzala ufukuuno, ufuku watete, mwomwoika, etu twafwelela nachiya nakupwa chahcinene hamene na ufuku. Kaha Ngunamono nge vakiko vali navitwamo vikwavo, kaha vyuma vyosena, nawa, ufukuno.

⁸ Etu twapwa mwishi yayinene yakuvandamina; chatete, Kwiza cha Mwata Yesu; chinashishiho, ulwilo wa...ku myono jakujimbala vase vanahashe kutambula Ikiye ufukuuno na kupwa vakulizanga lyehi ha Kwiza Chenyi omwo Ikiye asolokele.

⁹ Ngwatondo kuhana kumeneka chakulimanyina na kusambilila kuli vosena malunga vambwende hano ha kamenga, omu Ngunevwushisa enu vavavulu mwapwa vakakuzata. Myaka yayivulu handulendi, mokomoko kuhambakana, kaha etu tuli vene vakusakwilila omu vali hano.

¹⁰ Kuli enu vathu vosena, kwosena okwo muli, muvihanda vyakuhandunuka mulifuchi...Kaha Ngunevushisa nge vamwe vali hano kufuma kusali ya kalungalwiji, kusali yatulungalwiji. Shikaho etu tuli vakusakwilila hali enu ha kupwa hano kulivwisa echi kulikata na etu, echi tuli etu nakuvandamina nge Kalunga ali nakuya nakuhana etu kuhichila muli echi kuliwana.

¹¹ Echi chinasoloka ngana, nge hakupwa Ngwashinganyeka kwiza na kukinduluka hali awa makumbi atatu akuliwana, nge muchima wami uvene vanautonesa na vyuma vyaungeji vyavinene nguli nakwivwa nge chumachimwe chili kaha nakusoloka. Ngunahono kutachikiza chuma muka echi, oloze Ngwatalilila nge echi chinapu kusoloka chakufuma kuli Kalunga, nge punga—punga yeji kutuwahisa etu na kutulingisa etu kupwa venyembo wamwaza va Wangana Wenyi shimbu etu tulikutambuka kaye ka milimo ka shili na kuzeneka kufwelela.

¹² Echi chihela ufukuuno, hano vene, kukwachilila vyuma vyavinene hali yami. Hakupwa Ngunatachikiza nge vakiko vatungile eyi shikola zuvo hano, Ngunapunga nakutondo kupwa na kutangila muli echi chihela. Nguli wakusakwilila kuli lino vakulwane vayino shikola na vosena vase vanatwechela etu kupwa nayo.

Echi chapwilenga hano hachihela, hano vene kumwe kuze eyi zuvo yemana ufuku uno, nge chuma chachinene kusoloka mummyaka seti kunyima okwo, hanovene ha chihela chochimwe. Echi kachapwile chumachimweko shina broom sedge field ha lwola luze. Kaha Ngwayoyele muze mukazuvo kakandende kusali hano, pamo tu handulendi yati. Ngwapwilenga vakuhakako mumakumbi aze hali ulwilo wa tata na mama. Ou, vosena vavali vafu lyehi ufukuuno. Kaha chikumanyi,

mu likumbi, Ngwapwilenga nakuhakako muchima hali tata. Ngunanuka, Ngwapwile tele ngunasavala musenge. Kwapwile kuzuma, munonga.

¹³ Echi vachisoneka, Ngwafwelela, mu mukanda waundende vavuluka *Yesu Kulishitu Youmwe Zau, Lelo, Na Hayamyaka*, mokomoko chipwethuhu wapwilenga mu mukanda waundende vavuluka *Kangwapwilenga Wakulikanga Ku Chimweno Chize Cha Mwilu*.

¹⁴ Kaha kusavala muze musenge, Ngwakasumukile vanangutonesa, kaha chiteli chejile ha muchima wami cha tata yam. Nge, vavavulu muli enu vathu hano muno mumbongi mwatachikiza tata. Ngwashinganyeka ikiye apwilenga chindume, chipwethuhu apwilenga mukashili. Kaha, oloze ikiye apwilenga na vilinga vyavipi, nge Ngulinakweseka kuzunga hali chuma kana na ngolo josena nge omu Nanguhashila, kuhichila mu chisemunuino, muze mukunwa. Kaha uze ufuku ikiye apwilenga nakunwa. Kaha Ngwahindikile na chiteli chachinene ha muchima wami hali ikiye. Kaha kupwa kaha na uvwalo wokusavala nawo hamujimba, kwingila kaha mu mulukwe, na uvwalo wokusavala nawo muchikovele; Ngwakimwojokele nakuhita muwande wajikombo, kupwa kaha pamo nge kuze kunema chize jino, kaha Ngwafukamine hamavu nakulombela tata.

¹⁵ Kaha shimbu Ngwapwile na kulomba na kuhula Kalunga amulwile kaha keshi ku—ku mwecha ikiye kufwa mukashili, uze Ngwazangile; kaha shimbu Ngwapwilenga nakulomba, Ngwakandukile nakutala kutalisa kumututuko kufuma hano, kaha kuze kwapwilenga chimweno. Kaha kwimana helu hali yami, enu vavavulu munatachikiza chize chimweno, apwilenga Mwata Yesu.

¹⁶ Jino, Kangweshi wakwivwa chikela ha vyakumonamona, nge omu Ngunatachikiza. Oloze vimweno vyapwa vyamuchano. Kaha kuze kwemanyine Mwata Yesu, lwola lwatete Ngwamumwene Ikiye muli chize chimweno cha muyachi ngachize. Ikiye apwilenga pamo, mamalelo, pamo teni feet helu ha mutwe wami, kwimana mupeho, na chipundo chimwe nge kuzoza tambo. Ikiye apwilenga na chikuto chitoma, najizombo kuchijingulwisa kusali yacho. Ikiye apwile na jikambu mbwe na hama Hyenyi. Ikiye asolokele kupwa, nge Lunga pamo nge omu yahanjika Mbimbiliya Ikiye apwilenga, pamo seti seli. Oloze, wamundende, Mukweze wamundende, wamundende chikuma, kusoloka nge Ikiye keshi kuhasa kulema kuhambakana na seti paundiko.

¹⁷ Kaha Ngwatalile, kaha Ngwashinganyekele nge kwapwilenga chumachimwe, chize Ngunahase kuhengesa. Shikaho Ngwa—Ngwalifwenyene mumeso ami kaha—kaha kutala helu cheka. Kaha Ikiye apwilenga nemana nge musali

ngana, kusoloka nge mukuseleveka chameso Eyi. Kaha kusoloka kumeso Eyi, muze lwola lwosena Ngweji kumonanga mu vimweno, apwilenga nge kufunda cha mutwe wa Hofmann wa Kulishitu ha seti. Ou ukiko mulonga Ngwatwamina nawo muzuvo yami, ha mikanda yami, kwosena Ngunahase kuyihaka, mwomwo muze mukiko mujila asolokele, kuhambakana na muze. Kuvangila, Ikiye asolokele kupwa wamundende.

¹⁸ Kaha nge omu Ngwapwilenga nakutala hali Ikiye, Ngwashinganyekele, “Punduvane Kangweshi nakutala hali Mwata wamiko kwimana haze.” Kaha Ngwapwile nge, Ngunakutonda kuhanjika, muli *echi* chihanda, kaha pamo muzevene muli *echi*, mwishi kuze ou kamenga ali hano. kumwe, chapwilenga chakwoloka muli chize kusoloka, mukachi, na tando noho Yami ngwemanyine, kwesekesa omu Ngwapime kanawa, mukachi ka fwote mokomoko fifte yards ya chumachimwe kujinguluka muli ino mbongi hano, ou mujingulula.

¹⁹ Kaha Ngwatalile helu, kaha Ikiye apwilenga haze. Kaha Ngwasumine munwe wami, kutala kachi Ngwasavalanga. Munatachikiza omwo enu...Kusoloka kaha nge kacheshi kuhasako. Kaha Ngwapwile kaha kanyike muli Mwata jino, pamo na tukweji sikisi Ngunapunga nakunangula. Ngwasumine munwe wami. Ngwambachile chiswaswa cha lukombo na kuluhokola. Kaha vavavulu muli enu vaze veji kuyoyela muno mulifuchi, munatachikiza kaze kakandende kachiswaswa kakulichokwesa mulizo. Ngwaputukile kuchinjakuta. Kaha Ngwambile ngwami, “Echi—echi kacheshi kuhasa kupwako. Nguli kaha nakulota. Kuze kiko kuli limbo lyami. Tata uze haze, mama, na vana haze. Ize nawa ize zuvo yamwaka yatumenga ize yapwilenga inemana haze, kuze ngwapwilenga nakuhanga vapato, kupwa kaha pamo ha tu handulendi yard kuhambakana echi. Kaha hano Ngunemana muze muwande; chatela kupwa ngocho.”

²⁰ Ngwavetele mumavu, kututumuna mafwinji ami chindende, kaha kuyikisa mutwe wami, kaha—kaha kuzundula mavoko ami, kutala helu cheka; kutalisa kweka, kutala cheka, kaha Ikiye hanga ali haze, kwimanahaze. Kaha peho yaputukile kuhuhwa, kaha Ngwamwene mwila wajikombo kupekumuka. Kaha omwo yaputukile kupekumuka, uvwalo Wenyi kupekumuka naukiko. Nge uvwlo unasukama ha tambo, waputukile na—nakupekumuka. Ikiye apwilenga nemana haze. Ngwatalile hali chize.

²¹ Kaha Ngwashinganyekele, “Kachi Ngunahase kaha kutala kumeso Eyi!” Kaha Ikiye apwilenga nakutala kumututuko, kuze vene *ngana* mujila eyi. Ikiye apwilenga nakutala hali echi, chikumakuma. Kaha Ngwatambukile, kutambukako chindende, mangana kutala kanawa kumeso Eyi. Kaha chochimwe Kangwahashile kumumona Ikiyeko kanawa. Ikiye apwilenga

na mavoko Eyi kulutwe Lwenyi, kusoloka kuwasweka kufuma kuze Ngwemanyine.

²² Ngwatambukile nakujinguluka cheka. Kaha Ngwalikukumwine hamuliu, chumachimwe nge ngana, chayile, “huu,” kumona kachi Ngunahase kukoka mangana Ikiye ataliseko. Oloze Ikiye katambukileko.

²³ Kahajino Ngwashingtonyekele, “Pamo Nanguya nakumusanyika Ikiye.” Omwo Ngwambile ngwami, “Yesu,” Ikiye alumwine mutwe Wenyi. Kaha omwo Ikiye atalile hali yami, Ikiye andwile kaha mavoko Eyi nakuwavungulula. Muze mukiko kaha Ngunahase kwanuka. Pamo, nge hamusana waweye, Ngwapwilenga ngwasavala hazevene hano kumwe kuze echi chihela jino, muze muwande; chikovelu chami cha uvwalo wakusavala nawo chakuzova na masoji, nge Ngwapwilenga nakulila. Kaha Ngwapwilenga ngunahichi lyehi.

Meso eyi apwilenga navilinga vize naumwe mukakufunda nahase—nahase kumufunda mokomoko kukwita ulombo. Vakiko kavahashile kulinga ngachizeko. Ikiye asolokele nge Lunga uze, kachi enu namuhasa kutala hali Ikiye, Ikiye atondele kulila na ushona, kaha na kalemesa na ulemu; kaha olozenyi nangolo jakutamo, nahase kuhanjika, nachalumuna kaye kafula kamakonde. Kaha vilinga kana kamweshi kuhasa kuvifundako kuli mukakufunda.

²⁴ Kaha Kangwatachikijileko nakulikumbi lyalelo omwo chalumbunukila. Oloze hano Yami ufukuuno, hanyima ya myaka seti, kwimana muno muzuvo yayinene yino yakukunjika kumulimo wa Kalunga Wakulitulaho. Kaha yami, kupwa kaha—kaha membala kaha, mukikovene, kupwa kaha—kaha mukulwane waliuka muze mu—mu liuka lya Mbaputishiti hano, muze apwilenga Roy Davis kafunga ha lwola luze. Kaha Yami jino ngunemana hano na lizavu hachihela kana, haze vene ha mavu hohamwe, na . . . kuli chize Ngwashingtonyekele, chili cha kulanda na Manyinga a Yesu Kulishitu Lyavene, mumavoko ami, kuneha Mujimbu mumakumbi awana wa Mwata.

²⁵ Kupwa kaha pamo tukweji sikisi hanyima ya chize, Ngwapwilenga na lujimiko lwatete kuze vene kukalwiji, omwo chize Kumunyika chejile hano vene mu Spring Street. Enu vavavulu vathu munahase kutonda kuya kuze nakutala hali chize, ha Spring Street na meya, hazevene hamakanya a kalwiji. Kaha kuze kukiko Kangelo ka Mwata alisolwelele mulikungumbuwa, chatete, kaha ha tu koloko, musana umwe. Kaha Lizu lyejile kufuma muli chize, lyambile ngwalyo, “Nge muze Yowano Mukakujimika vamutumine kulivanga kulutwe lwa Kulishitu ha kwiza chenyi chatete, Mujimbu wove nauya nakulivanga kulutwe lwa Kwiza chenyi kamuchivali.”

²⁶ Ou unapu mwaka wamu seti kufuma haze, kaha hano Nguli lika, ufukuuno, kwambulula uze Mujimbu. Kaha kujinguluka

kaye Unayi kwosena, kaha Ngunawahilila kukinduluka mumbaka ya zuvo yami, ufukuuno, kwimanyinako ou Mwata Yesu Kulishitu uze Ngwazanga lika na muchima wami wosena. Likumbi halikumbi Ikiye hanga akula lika kuyema kuhambakana Ikiye omwo apwilenga shimbu kanda. Kanda lyehi chalumune numba kamukila kamwe mu Kunangula chami. Chuma chatete Ngwaputukile na, hanga Ngwafwelela chuma chochimwe ufukuuno. Ikiye apwa youmwe zau, lelo, na hayamyaka. Jino Nguli na Mujimbu uze Yami nangukakumbulula.

²⁷ Omwo uze Mujimbu waputukile nakulovoka, wapwilenga, mukikovene, muthuwosena; apwilenga nakulombelela yakakuviza, vinjikizo vyavinene, vihayamisa, na vikomwesa. Vize vyaputukile, chikumanyi mulivathu va Chipendekosita, kuliwana cha chakuhitamo kuhizumwisa cha kuka chize chahichile mukaye. Ha myaka fifiteni yamuundu yinapunga ya kuhizumuka hakala pili kuze, Ngwashinganyeka, kuhizumuka kuwema cha kakahya. Jimiliyone vanetavila Kulishitu kupwa Mulwilo wavo, hali uze umwe atumine. Chize chahwiminyine, kufuma kuze, kutwala kuli va Oral Robert, na vyangocho, kaha lika na lika, nge omu chayile nakujinguluka.

²⁸ Hanyima, ya liuka lya Chipendekosita kusavala muze yakufwa, nge omu yapwilenga. Kujina chami na kufwila chami, ufukuuno, chili kutonesa liuka, cheka, mwomwo Kwiza cha Mwata Yesu chinahete. Ngwatela kutenukila chize. Ngwatela kutenukila shili mukala jila ili. Kangweshi nakutwala kuchikungulwilo cha kala muthuko. Nguli na Mujimbu.

²⁹ Jino, echi chili chachikalu kuya muliuka mwomwo yakukafwa, kupwa kaha nge echi chapwile na Mwata Yesu, mwomwo ali Ikiye; keshi yamiko. Oloze nge muze Ikiye anangwile chatete, kaha ikiye ahindwile vakakuviza, kusangula vafu, kaha kutomesa vakambumba, kaha kutapula vandemone, kalamuthu amutondele Ikiye. Oloze kwejile lwola kuze kwapwilenga Mujimbu uze lwola lwosena wakavangijilenga na chinjikizo, mwomwo chinjikizo chapwilenga na lizu.

³⁰ Oloze omwo Ikiye atwamine likumbi limwe, kaha ambile ngwenyi, “Yami na Tata Yami twapwa Umwe,” chize chahambakanyine chuma chahashile kulivakiko. Echi chapwilenga, nawa, omwo Ikiye ambile ngwenyi, “Kuvangila enu namulya nyama ya Mwana muthu na kunwa Manyinga Eyi, enu kamweshi na Kuyoya muli enuko.”

³¹ “Ngachilihi?” Mwomwoika, va ndotolo na vathu vakushinganyeka kanawa vatelele kuhanjika ngwavo, “Ou Muthu napu muloji, kweseka kumilingisa enu kulya nyama Yenji na kunwa Manyinga Eyi.” Ikiye kachilumbunuineko. Ikiye ahanjikile kaha.

³² Kaha ufukuuno enu munahase kwivwa vyuma vimwe, kaha kuhichila mukuliwana, muze mukiko ahanjikile. Etu tunahase kuhona kupwa vakuchilumbununa. Oloze, anuka, Yesu Kulishitu ali youmwe zau, lelo, na hayamyaka. Etu twafwelela echi.

³³ Jino, etu katweshi na lwola lwa kuhanjika nawa chikumako, mwomwo etu tukwechi lwola lumwe kuputuka hano na jiola jimwe kulovoka. Kaha etu twatondo kuvwumbi vakulwane va shikola vahakile lwola kulieta, kaha etu natuya nakulinga vyosena etu tunahase kuvavwumbi vakiko.

³⁴ Anuka, hakala lwola mukashili atondele kwiza muka Kulishitu, vyosena enu mukwechi kulinga tambuka nakwiza, chipwe Nguli wakunangula, kwimba, kalamwosena omwo, kaha hana kuyoya chove kuli Kulishitu hanovene jino, imana muchitwamo chove. Mukiko etu tuli hano, kufwa enu.

³⁵ Ngwatondo kuhanjika kuli Ndumbu walunga Vayle, Ndumbu walunga Rober-. . . Borders, kaha vandumbwami hano. Kachi. . . Ngwalikomokelanga kachi vakiko vali, mu liuka, mu musana, mokomoko chumachimwe na chimene, mokomoko chumachimwe, kutetekela hali vaze vali nakutondo lujimiko lwa Shipilitu Wajila. Echi nachiya nakupwa chakwoloka, enu vandumbwami? Ndumbu walunga Neville na enu vosena munahase kuya kuze, kaha Ndumbu walunga Capps. Kachi kalamuthu mwatonda kukutetekela mu lujimiko lwa Shipilitu Wajila, mwomwoika enu namuhona kwiza kuno kumbalaka. . . Chumamuka chamwaza, chize chimene mokomoko na musana?

³⁶ [Muthumwe ambile ngwenyi, “Chimene.”—Muka.] Chimene, ha teni koloko? Pamo teni koloko ya chimene.

³⁷ Kachi enu mukwechi chihula ha Kunangula, kachi enu mukwechi chihula ha ou Mujimbu, kachi enu—kachi enu mwatondo kupwa. . . enu kanda lyehi vamizachila, muthuukawenyi, enu mwatondo kupwa vamilembelele, mokomoko kalachuma enu mumatondo kutachikiza muli mangana kana, mwomwoika enu senukilenu muze haze ha teni koloko mu chimene na kutala hali ava malunga. Nakuya nakupwa umwe mokomoko kuhambakana haze kutetekele, nakulombela vakakuviza, kukumbulula vihula. Kupwa kaha muthu hakapanji, chamwaza, ikiye. . . Enu yenu kaha kulivakiko, kaha vakiko navaya nakupwa vakuwahilila kukfwa enu mukala jila vakiko vanahase.

³⁸ Jino, shimbu kanda etu tupandame ku Lizu, etu twatondo kupandama kuli Mwenya eli Lizu cheka. Enu munahase kulya chikuma; enu munahase kunwa chikuma; enu munahase kuseha chikuma; enu munahase kutambuka chikuma; oloze enu namuya nakulomba chikuma. “Ngunasake kachi malunga valombenga kwosena, kuzundula mavoko ajila chakuzeneka kukakasana mokomoko ndombo.”

Echenu tulombe.

³⁹ Wamwaza Yesu, Mweya Lizu Iya Kuyoya, kaha Ove uli lize Lizu, etu vene jino tunapandama kuli Ove hanyima ya kulumbununa chimweneo. Echi, Kalunga, Enu kupwa na unjiho echi echi kupwa muchano. Mwata Yesu, Ngwalombo nge Enu namuya nakuwavisa awa mazu ufukuuno kwivwulila kala litwitwi eli lili mwishi ya kuvuma cha Ukalunga. Kaha kachi kuli vamwe hano, mokomoko kwivwulilamo, kusali ya lifuchi, kachi vakiko kaveshi vakulizangako na kuliwavisa halwola luno kuliwana ukalu wa ola, ou Mujimbu kufuma kuli Kalunga, kwalumuka nakupihilila na kulizanga, ha Wangana wa Kalunga ali hakamwihi. Etu twalombo echi nachiya nakupwa ngocho, ufukuuno, na vakiko, nge vakiko navaya nakuliwana naou ukalu wa ola.

⁴⁰ Ove Kalunga, Nangulombela kukafwa, kutachikiza mulimo na chumamuka chalumbununa, kaha Ngwatela kukumbulula ha Likumbi Iya Kusopesa, ha vyosena Ngwahanjikile hano na kwosena. Ngukafwe kupwa vene wakushishika, Mwata, na vyosena vize Ngulinakulinga mokomoko kuhanjika mu Lizu Lyove, nge chinahase kuneha mihako. Hakupwa, nge kutuma Chove chapwilenga, “Kanda kwecha eli Lizu kufuma ku kanwa kove; oloze shinganyekaho hali echi, likumbi na ufuku, ove unahase kutala kulinga vyosena vize vasoneka mu jishimbi. Kaha jino ove mukaya nakupwa najila jove jakufukila, kaha jino ove nauakaya nakupwa nakufukila chamwaza. Kumana Kangwamilwekeleko? Pwako wakujikiza kaha wakuhamuka, mwomwo Mwata Kalunga kove na kwosena ove nauya.” Mwata Yesu, chilinge ngocho, ufukuuno. Etu twalombo mu Lijina Iya Yesu. Amena.

⁴¹ Chitanu na Sateli, kufuma na teni nakutwala ku twolufu, haze ha mbalaka ya 8th kaha Penn Street, nakuya nakupwa jindondelo, kukumbulula ku kunangula, kulombelela vakakuviza, na kala mwosena omwo. Twayenu hazevene kachi enu muli nakala chihula, kala chuma enu munatondo. Nakuya nakupwa malunga kuze na—navaya nakutetekela. Ou Mwata amikisule.

⁴² Jino, ha kusokolola kutanga chaufukuuno, Kangweshi kuhasa kulinga chumachimweko oloze kuusokolola hatoma nakuya ku Mujimbu. Echi chikiko kaha etu tuli hano, kaha jino echi chikiko Ngwakindulukilanga.

Kaha Chalumingo na chimene, nge Mwata netava, Ngwatondo kuliwana nachize kukaluhwa cha likumbi, ha *Kumbata Na Kulukulula*.

⁴³ Jino, mu Ngalasha 4:27, Ngunazange kutanga awa Mazu, 4:27 nakutwala ku 31, na kuhakilako.

Mwomwo vasoneka ngwavo, Sehelela, ove mumba wazenekele kusema; mbufuka nakutwa jingunda, ove

unapunga kanda wivwe misongo yakusema: mwomwo vana vapwevo wa mujike vanavulu kuhambakana vana vayauze ali na lunga lyenyi shikaho.

Jino etu, enu vandumbwami, etu tunapu tuvana valushiko, nganomu apwile Isaka.

Oloze nge hamwaka uze wakusemuwa nge mwaya chisemwa chahamavu amuyanjishilenga uze wakusemuka nge mwaya Shipilitu, mukiko vene mu chapwa noholili.

Oloze mazu vasoneka anambe ngachilili? Ngwavo hangaou pwevo wandungo na mwanenyi hamwe: mwomwo mwanaou pwevo wandungo keshi kukaswana na mwanaou pwevo wanakachisemi hamweko.

Shikaho, enu vandumbwami, katweshi tuvana vayou pwevo wandungoko, oloze tuvana vayou pwevo wamwanakachisemi.

⁴⁴ Echeni Mwata ahahe kukisula Chenyi kukutanga cha Lizu Lyenyi. Jino, Ngwafwelela hano nge Ngumbate kutangisa nge ngachize, mujila ya kusawuka, mwakuhona kutela. Oloze lwola lumwe etu tunawane Kalunga muli vize vyakusauka, mujiola jakuzeneka kutela, mujijila jakuzeneka kutela, muvyuma vyakuzeneka kutela, mwomwo Kalunga apwa wakuzeneka kutela. Kaha vaze vali vene veji kumuzachilanga Ikiye kufuma kumichima yavo, kuzachila Ikiye mu mujila kuzeneka kutela, kupwa muvyuma mokomoko mujijila ja kaye. Echi kutanga kuchivuluka: *Mbuto Kayeshi Kukahasa Kukaswana Hamwe Na Chiyawuko.*

⁴⁵ Paulu hano kuhanjika cha mbuto ya vana vamaunga vavali Apalahama. Paulu, mukuwahilila, ali nakulineha lyavene mu chihela cha kusemuka kuhichila muli pwevo wamwanakachisemi.

⁴⁶ Jino, etu tunatachikiza nge Apalahama apwilenga navana vavali vamaunga, na mapwevo vavali. Kalunga kumuhana ikiye lushiko hali Sala, kuhichila muli Sala, mukiko, nge nakuya nakupwa Mwana walunga mwakasemuka, kaha kuhichila muli ou Mwana mangana kaye vakakisule. Mafuchi osena nawakaya nakupwa akukisula hali ou Mwana walunga. Kaha echi vachifwelela kulivosena, chikumanyi mukachi kava Yuleya, nge ou apwilenga Isaka, oloze keshi hali ikiyeko. Ou Mwana walunga wa Apalahama apwile Yesu, kaha Ikiye apwilenga Mbuto ya Wangana ya lushiko, ya Apalahama. Oloze Apalahama kupwa na vana vamaunga vavali . . .

⁴⁷ Umwe, hali—hali Hagar, uze apwilenga ngamba ya pwevo lyenyi; wakuzanga, wamwaza, ngamba waka Yijipitu uze Apalahama anonele kufuma kuze ku Yijipitu wa ikiye, kupwa wenyi. . . ngamba wa pwevo lyenyi. Kaha Sala, kushinganyeka nge Kalunga keshi kuhasa kupwa wakulama

lushiko lwamuchano Lwenyi lwosena, ikiye amulwekele Apalahama kumbata Hagar, ngamba yenyi, nakupwa pwevo lyenyi, (chize, luhali lwapwilenga lwakwitavila mumakumbi aze) nakuneha mwana; kaha muze mukiko Kalunga ajinyine, nge ikiye apwilenga nakupwa na mwana kuhichila muli Hagar. Oloze etu tunawane nge kachatela kupwa ngachizeko.

⁴⁸ Jino etu tunevwushisa, nawa, nge Kalunga akupuka muutatu. Jino, Kalunga apwa “wakukupuka” mu *utatu*. “Likoji” lyapwa *fai*fi. *Seveni* yapwa “kukumisa,” nge kaye.

Kalunga apwa wakukupuka muli Tata, Mwana, Shipilitu Wajila. Chize chikiko kukupuka cha Ukalunga. Vosena Kalunga umwe, mukusoloka muutatu, wa kupwa chautatu wa ufwishi imwe, mokomoko jiufwishi jitatu muli Ukalunga umwe.

⁴⁹ Jino, kuli kukupuka muutatu, mujitambo ja likoiji, ku Liuka; kuvulukila kwoloka, kujilikiwa, lujimiko lwa Shipilitu Wajila. Echi chili na Kusemuka Chachihya, kupwa kaha na kusemuka chachisemwa chinalifwane na echi. Chize, nge pwevo kusema mwana, chuma chatete kwiza shina meya, manyinga, kaha jino kuyoya.

Eyi Mbimbiliya ngwayo, mu Yowano Watete 5:7 mokomoko 7:5, Ngwafwelela mukiko chili, nge yamba ngwayo, “Kuli vatatu vemanynako Mwilu; ou Tata, eli Lizu,” uze apwilenga uze Mwana, “kaha Shipilitu Wajila; ava vatatu kupwa Umwe. Kuli vatau kwimanyinako ujiho muno mumavu;” eli Lizu, “awa meya, manyinga, na Shipilitu. Meya, manyinga, na Shipilitu; ava vatatu *kulitaviza* mumwe.”

⁵⁰ Jino, ou Tata, Mwana, na Shipilitu Wajila, vapwa Umwe. Enu kamweshi kuhasa kupwa na Tata chakuzeneka kupwa na Mwana; enu kamweshi kuhasa kupwa na Mwana chakuzeneka kupwa na Shipilitu Wajila. Oloze enu kamweshi kuhasa kupwa vakuvulukila kwoloka chakuzeneka kupwa vakujilika; enu kamweshi kuhasa kupwa vakujilika chakuzeneka kupwa vakuzala na Shipilitu Wajila. Etu tunenjikiza nge muchiyulo cha chisemwa.

⁵¹ Jino, kaha enu vavavulu, pamo, Ngunahase kupwa ngeji kuli enu. Kaha Kangweshi—Kangweshi na shikolako; Nguliwakunyuka nge enu muli lyehi vakwivwushisa. Oloze Ngweji kutangisanga mu vifwanyisa, nge kufwanyisa chisemwa na vya kushipilitu.

⁵² Jino, etu twamono nge kuli vatatu mukukupuka. Kalunga apwa wakukupuka muutatu, jino. Kaha uze apwilenga, mu kukupuka cha mbuto ya Apalahama, apwilenga Ishmael, Isaka, Yesu. Ishmael kwiza kufuma kuli pwevo wandungo, Isaka kwiza kufuma kuli pwevo wa mwanakachisemi, kaha vosena vavali kuhichila muusunda; oloze Kulishitu Yesu kwiza kuminyina muli sanda wakuzeneka usunda.

⁵³ Hano, eyi “Mbuto,” imwe, Mbuto imwe; keshi jimbuto, oloze Mbuto imwe. Eji jikwavo kajapwilenga mbuto ya Apalahamako, mwomwo Apalahama “Mbuto” yapwilenga Mbuto ya lufwelelo lwenyi luze Kalunga apwilengaho nakuhanjika, keshi mbuto yakuchisemwa ko. Mwomwo, hanyima ya Sala kufwa, Apalahama ambachile pwevo mukwavo kaha apwilenga navana vamaalunga seveni, navamapwevo nawa. Shikaho kachahashile kupwa jimbuto ja Apalahamako, yapwilenga Apalahama “Mbuto,” imwe. Kaha luze lwapwilenga Mbuto ya lufwelelo lwa Apalahama, kwinyika ku Mbuto ya Wangana ize yapwilenga nakwiza kuhichila mu lufwelelo lwa Apalahama; keshi kuyoya cha chisemwa cha Apalahama, oloze kuyoya cha kushipilitu cha Apalahama; uze ambachile vyuma vyosena kupwa vyakulimbalaka na Lizu lya Kalunga kaha kuvuluka kuhichila muze chazenekele kupwa, kaha kufwelela Kalunga; kusali ya lugalililo, kufwelela mulugalililo. Kupwa Mbuto ya mwemwene ize etu tulinakuhanjikaho.

⁵⁴ Hano etu vanatwinyikila chifwanyisa. Mamalelo! Eyi mbuto yaputukile, eyi mbuto ya lushiko, kuputuka mukukakasana chindende, kukakasana cha lushiko lwatete. Talenu omu echi chaputukile mwishi, mu kukakasana mu lushiko chatete. Kalunga amushikile Apalahama, kuhichila muli Sala, kuya nakupwa na mwana. Oloze jino tala, mbuto yatete ya Apalahama kuhichila muli pwevo wandungo kwijila kuhichila muli Sala kukakasana nge chize nachisoloka, mwomwo ikiye apwilenga wakukula kaha nashinakajikiwa kaha nahambakana seteko yakusema.

⁵⁵ Jino omu mukiko liuka lyeji kuputukanga. Muze mukiko cheji kuputukanga. Enu naputuka kufuminyina kwishi. Enu kamweshi kuputukila heluko. Lunga kweseka kunyinyina kwilu ya ndalo, kweseka kuheta helu chatete, ikiye mwaya nakulihokola jingo. Enu mwatela kuputuka na kutunga kutwala kuze.

Kaha hano etu tuwane kuputuka cha lushiko lwa Kalunga kupwa nakusoloka, kuhichila mukukakasana chindende, mukukinga kwala cha Kalunga.

⁵⁶ Omu mukiko mujila yoyimwe ya shili kuputuka muze mu milemba ya Etene. Omu mukiko kufwa chaputukile na kufwa, omwo lize Lizu limwe lya Kalunga lyapwile kufwelela lizu limwe mokomoko kukakasana. Enu kamweshi kukakasana mokomoko kuhaka Lizu muchihela cheka cha Kalunga, muze MUKIKO MWANAMBE MWATA, mwomwo Echi chili Lizu lyatela kupwa ngocho.

⁵⁷ Kaha hano Sala, numba nakuli uze vahanyine lushiko (Sala kupwa pwevo, echi chinapu chifwanyisa cha liuka), kuhana kukakasana kwala chatete cha Lizu lya lushiko lwa Kalunga, kaha ambile ngwenyi, “Enu, Apalahama, lunga lyami,

mbata ndungo wamwaza, kaha kuyoya na ikiye, kaha hakupwa lunga lyenyi. Kaha Kalunga mwaya nakuhana mbuto lushiko kuhichila muli ikiye, kaha Nanguya nakumbata mwana.” Talenu, kupwa kaha nakuhita komakamwe kakandende, kwalumuna kwala chosena.

Shikangaho, etu twatela kumbata kala Lizu lya Kalunga nge MUKIKO MWANAMBE MWATA. Kala Lizu lya Kalunga kupwa lya muchano.

⁵⁸ Hano mbuto yaputukile jino mu lushiko, kukakasana chindende. Isaka kupwa mbuto ya wakukasunuka na pwevo walushiko, kuneha, nge Paulu apwile nakweseka kulumbununa hano mu Ngalasha, ikiye kuneha chisemwa, mbuto ya lushiko. Kaha ikiye kuya lika nakuhanjika hano nge uze—uze pwevo wandungo vana venyi kaveshi kuhasa kupwa swana hamwe na vana va pwevo wa mwanakachisemi ko, mwomwo vakiko vali mujijila jivali.

⁵⁹ Kaha, ou ukiko muchano, vaze vakakuzeneka kufwelela kaveshi kuhasa kupwa swana na mukakufwelela ko. Kakweshi numba jila, mwosenako. Ou ukiko ukalu na lelo. Enu kamweshi kutunga kasumbi wa chikungulwilo kufwelela hamwe na kwaze. Enu kamweshi kuhasa kulinga ngachizeko. Aha hakiko ukalu uli nakwijila. Enu mwatela kufwelela kala Lizu lya Kalunga. Enu mwatela kaha . . . Enu kamweshi kupwa va swana hamweko. Chipwe enu kuya—kuya nakulinunga na echi; enu kamweshi kuhasa kulinga ngachizeko. Enu mwatela kupwa kwaze mokomoko kasumbi.

⁶⁰ Kayatetela kupwa swana hamwe na Ishmael, ize mbuto yauze pwevo wandungo, wa . . . mwomwo ya kukakasana. Sala kukakasana Lizu lya Kalunga, nge Kalunga atela kulama Chize. Tachikizenu Apalahama! Enu mwamono chuma muka Ngulinakutunga ha Chalumingo na chimene. Apalahama kakakasanyineko. Sala akakasanyine echi; ikiye apwilenga uze umwe. Kapwilenga Alamako uze akakasanyine; apwilenga Eva ikiye akakasanyine. Shikaho, jino, etu natuya nakuwana chikuma hali evi shimbu etu tuli nakuya nakumbata Chalumingo na chimene.

⁶¹ Numbathuhu vya kushipilitu kupwa . . . vya chisemwa kuswana hamwe na vya kushipilitu. Chochimwe numba vana va Ishmael kupwa kuswana hamwe na—hamwe na vana va Isaka, kaha chochimwe na chisemwa kupwa swana hamwe na vya kushipilitu.

⁶² Liuka lya chisemwa; Liuka lya kushipilitu. Kuli liuka lya chisemwa lize lya kufwanyisa pwevo hano; kaha kuli Liuka lya kushipilitu, nawa. Shikaho, liuka lya chisemwa na Liuka lya kushipilitu kalyeshi kuhasa kuswana hamweko. Vakiko vali vavali vakuhandunuka, jiola jakuhandunuka;

vavali vakuhandunuka, vathu vakuhandunuka; vali vavali vakuhandunuka, va kujishiko jakuhandunuka.

⁶³ Ou ukiko mulonga Kuhukula chili chakuhandunuka, kaha nachiya kaha nakupwa chava Mbuto ya wangana wa Apalahama. Kayeshi kuhasa kwiza nakuhichila mu chisemwako, mbuto ya chisemwa ya liuka. Yatela kupwa Mbuto ya wangana ya Lizu Iya Kalunga, kuhichila muli Apalahama, Mbuto ya wangana. Ou ukiko mulonga Kuhukula chatela kupwa chatete.

Mwomwo, anuka, “Etu vali vavatonyi na kupwako katweshi kukahasa kuvahonesa vakiko, kuhonesa vaze vanasavala tulo. Mwomwo ndolombita ya Kalunga nayikaya nakuvuma, vaze vafwile muli Kulishitu navakalivanga kusanguka chatete. Etu tuli vavatonyi nakukapwako navakatumbata hamwe navakiko, hamwe, kaha kuliwana na Mwata muutangatanga.” Talisenu, kaha cheka echi vachisoneka, “Kaha vafu vosena kavayoyeleko, ha myaka sauzande.”

⁶⁴ Shikangaho, kuze, vakiko navakaya nakupwa va swana hamwe. Vakiko kaveshi kukapwa hamwe mu Kuhukulako. Muze mukiko vene liuka Iya chisemwa, kaha Liuka Iya kushipilitu; liuka Iya chisemwa, Liuka Iya kushipilitu. Kahajino, talenu, hano kaheshi numba . . .

⁶⁵ Kakweshi Kusopesa kuli vaka wangana, vakushipilitu, Mbuto ya kutongola ya Apalahama, mwomwo vakiko va kutongola ku Kuyoya cha Hayamyaka. Vakiko vanetavila Mulambu wa Kalunga; kaha uze Mulambu, uze wapwilenga Kulishitu, lize Lizu.

“Kaha kuze shikaho jino kakweshi kupaisako.” Mukakujila Yowano 5:24, kachi enu mutondo Chisoneka. “Kakweshi shikangaho jino kupaisako kuli vaze vali muli Kulishitu Yesu,” Loma 8:1, “kavatambuka mwaya musonyiko, oloze Shipilitu,” mu Loma. 5:24, “Wosena owo *mwevwa* Lizu Lyami,” eli lizu lili, “kwivwushisa.” Kala chitakwa, kalachuma chosena, nachivwa Echi na kufumako. “Oloze wosena *mwevwa* Lizu Lyami, kwivwushisa Lizu Lyami, kaha kufwelela hali Ikiye uze Angutumine, ali na Kuyoya chahamyaka, kaha keshi kukahasa kwiza ku Kusopesako; oloze nahichi Iyehi mukufwa na kwingila mu Kuyoya.” Eyo, mwane.

Wosena uze ali na mangana akusweka amanene a Kalunga vanasolola, kwivwushisa, omwo uze Kalunga apwilenga muli Kulishitu kukindulwisa kaye kuli Yavene, omu chize Ikiye na Ise vapwa Umwe, omu aze mangana akuswamana amanene akuzalishiwa a Kalunga kumbata na kuneha Lyavene, kulisolola muli chino chisemunuino kuli vathu vakuyoya, kaha mukufwana muthu, kaha mulizavu Iya vathu; kulingisa Lizu Lyenyi kusoloka muli lize likumbi, mukututuka chalikumbi kumututuko, kaha kulinga chuma chochimwe nge musana omu uli nakulauka

kumulauko, kulingisa Lyavene kulisolola mu Liuka Iya Mwenga, eli Lizu kulisolola. Talenu? Naliya, nawa. “Wosena mwevwushisa,” uze ali, “kutachikiza, chize vanasolola kuli ikiye, cha Ikiye uze Angutumine, ali na Kuyoya chahayamyaka, kaha keshi kahasa kwiza nakwingila mu Kusopesa ko; oloze nahichi nakufuma mukufwa nakwingila mu Kuyoya.”

⁶⁶ Eyi mbuto ya chisemwa yapwilenga kaha mukakumbata cha kushipilitu, eyi Mbuto. Nge chikota, sangu, na chiyawu. Etu tuli nakuya nakuhita echi shimbu kanda, mu Mujimbu ukwavo, oloze Ngulinakutonda kuchisolola chindende, muli echi, mokomoko kuya kunyima cheka ha munyutu kaha.

⁶⁷ Jino hano kuli jitambo jitatu ja mbuto, kutusolwesa etu chifwanyisa chamuchano, eji jitambo jitatu ja mbuto ya chisemwa muno mumavu. Nge mbuto vanayitumbu, kuneha cheka chikota, kalitwitwi kakandende kulovoka kufuma muli chize; kahajino sangu, kahajino chize chakwimichizsa kusukama haze; kaha jino chiyawu; kaha jino chiyawu cheka.

⁶⁸ Tala eji jitambo ja echi chishimo chakukupuka hano, kaha omu cheji kuzachiwanga vene muchifwanyisa, mwomwo Kalunga napu ikiye Mwenya tengeso yosena. Shikangaho tengeso kayeshi kuhonako chochimwe nge omu Kalunga ahona kuhona, mwomwo Ikiye apwilenga Umwe Uze ahakile vyuma museteko yacho hali—hali etu kutalanga ho na kumona.

⁶⁹ Talisenu Hagar, uze chikota, uze apwilenga maputukilo atete a akusokolokela Mbuto. Jino, kayasolokele kalachumako nge ize Mbuto ko. Yapwilenga chikota, mwomwo ikiye apwilenga pwevo wandungo, keshi wamulushikoko; kapwile wakulinga na Lizu ko, kupwa kaha mukakumbata ize Mbuto.

⁷⁰ Talisenu Sala, uze sangu apwilenga nachize chakwimichisa, uze wa lifuchi Iya Yuleya kukatuka kufuma muli ikiye. Kufuma, kulovoka muli Sala, kuneha Isaka; kuhichila muli Isaka, kulovolamo Yakova; Yakova kuneha uze kakuluka; kaha kuhichila muli uze kakuluka, kulovolamo lifuchi.

⁷¹ Maliya, uze walufwelelol Iwa usanda, alowele muchano, Mbuto ya Lizu Iya kushipilitu yejile nakupwa musonyi. Talenu?

Ava mapwevo vatatu, mapwevo vatatu muje ize Mbuto vayimbachilile. Umwe wavo apwile vene waujila kuhichila muluhali; wamuchivali apwile wa kuli mwanakachisemi; kaha umwe wamuchitatu umwe apwilenga wakuzeneka vilinga vya usunda, oloze ha lufwelelo ikiye afwelelele Lizu Iya Kalunga. Hagar, Sala, vosena vavali Sala na Hagar, vapwilenga kuhichila muusunda; oloze Maliya apwilenga sanda, ha ngolo ja Lizu Iya lushiko Iya Kalunga. Echi chakwoloka.

⁷² Chize chikota, Hagar (mapwevo vavali), kukakasana luze lushiko, oloze tala chuma muka chanehele. Omwo Hagar, uze pwevo wamuchivali wa Apalahama, uze apwilenga chikupu pwevo wakajila, oloze ikiye asemene lunga, oloze

(apwile lunga wamuyachiuka?) eyi Mbimbiliya yamba ngwayo ikiye apwilenga “lunga wamuchipapa.” Ikiye ayoyelenga ha uta wenyi wamanana, kaha kakweshi muthu ahashilenga kumufungululako. Ikiye apwilenga uze wakuhona kuhasa, wakuhona kwalumuna, wakuhona kusemuka mweka. Ikiye kavashilenga kumuhasako. Ikiye apwilenga muthu wamuchipapa, mwomwo ikiye apwilenga wakulimbalaka na Lizu Iya Kalunga.

Kaha kalachuma chize chakulimbalaka; kala mukakunangula, kala membala, kala liuka, lize linalimbalaka na Lizu Iya Kalunga; nayiya nakuneha wamuchipapa, lizavu Iya mukaujila wa kaye ka Hollywood, kaha keshi kuhasa kutwama na Lizu Iya kuzeneka ujila, mwomwo kavachihakile na mu lushikoko. Nduma.

⁷³ Sala, uze pwevo wamuchano wa lushiko, kupwa sangu, anehela lunga wautongwe. Mukutwalila, kuneha lifuchi Iya lushiko lize Iyazachililenga Kalunga. [Hatepu hapimbi—Muka.]

Oloze, Maliya, hakuhona kuhichila muusunda, oloze afwelele Lizu Iya lushiko; omwo ikiye apwilenga sanda, hakuhona kulimona nalunga. Kaha uze Kangelo ka Mwata aliwanyine nenyi, ambile ngwenyi, “Hey, Maliya, ove wakukisula mukachi kamapwevo, mwomwo Kalunga ali nayove.”

⁷⁴ Kaha ikiye ambile ngwenyi, “Nachiya nakupwa ngachilihi?” Ikiye . . . Ikiye ambile ngwenyi.

⁷⁵ Uze Kangelo ambile ngwenyi, “Uze Shipilitu Wajila mwakaya nakukuuva ove.”

⁷⁶ Echi kanda Iyehi chilingike muvisemunuino vyosena, oloze Maliya afwelelele Kalunga. Kaha ikiye ambile ngwenyi, “Tala uze ngamba ya Mwata.” Ikiye afwelelele lize Lizu.

Mwaya ngachilihi nakupwa nacho? Ikiye atachikijile nge Hagar apwilenga na mwana kuhichila mukufwila cha muusunda, na Apalahama; kaha Sala apwilenga na kema kuhichila mukufwila cha muusunda, na Apalahama, vana va lushiko; uze pwevo wandungo na pwevo wa mwanakachisemi. Oloze hano ikiye ahulile kufwelela. Chize chinapu kuhakilako ku lufwelelo luze Iwapwilenga muli Apalahama, uze afwelelele muvize vyakuzeneka kuhasa, “Nge Kalunga ambile ahanjikile ngocho, nge nachiya nakulingika vene.”

⁷⁷ Ikiye afwelele Kalunga, kahashile kumuhulako. Ikiye ambile ngwenyi, “Tala ngamba ya Mwata. Chipwethuhu kwapwile kutoleka chamuyachi uka Ngwatela kuchitavila kufuma ku kaye, chipwenga thuhu kuli yami kutesekesa na Lizu Lyove.” Haze jino kwejile Mbuto ya mwenemwene.

⁷⁸ Sala kahashile kuchilingako, mwomwo yapwilenga kuhichila muusunda. Echi chakwoloka. Kaha chipwe Sala kuhasa, mwomwo yapwilenga kuhichila muusunda.

Chipwe liuka kuhasa, kuhichila mukusoneka! Chinatondeka kufwelela cha sanda mu Lizu lya Kalunga nakutungua lushiko, nakuneha vana. Kusonekesa kacheshi kukahasa kuneha kusemuka cha Liuka ko. Kalyeshi kukahasa kulinga echiko. Nachiya nakuneha chakushisamo chumachimwe. Echi chinaya nakuneha vyuma vimwe, chuma chimwe chinahase kulondezeza Yikiko, chumachimwe chize chili nakweseka kupwa nge Yikiko.

Oloze chamwenemwene, Liuka lyakusemuka chachihya lya Kalunga lyafwelela mu Lizu lya Kalunga mumeso avyuma kala, chipwethuhu ya chuma muka, mwomwo linapu lyakuzeneka ujila. Linapu kuhichila mulushiko lwa Kalunga nge vyuma kana vyatela kwiza.

⁷⁹ Maliya, uze umwe wamuchano, ambile ngwenyi, hali uze. . . . -kusali yausunda, ambile ngwenyi, “Chipwenga kuli yami kutesekesa na Lizu Lyove. Tala ngamba Yove!”

Kaha ikiye asemene. Chuma muka asemene? Keshi lunga wamuchipapako; keshi lifuchiko. Oloze ikiye asemene Lizu, Kalunga Lyavene kulisolola mumusonyi; amena, ize Mbuto ya muchano ya Kalunga ize yasolwele kala lushiko luze Kalunga ashikile mu Mbimbiliya; chakuzeneka Ikiye, kakweshi muthu nahase kuyoya chakuzeneka Ikiyeko.

⁸⁰ Ikiye apwilenga mbuto ya muchano, ikiye apwilenga kuhambakana na- . . . ikiye apwilenga chiyawu chize chanehele lize Linona. Jino, jize jivali jambachile Kuyoya, kaha nge mbuto ya chisemwa. Maliya. . . Jino, anuka, Ngwambile ngwami jize jivali yeka. . . Jino, Maliya, kanda kumulingisa ikiye kupwa Kalunga ko, nge vathu vamwe veji kwesekanga kumulingisa. Ikiye apwilenga keshi likombeloko. Nduma, mwane. Ikiye apwilenga kaha mwakumbachila Mbuto, nge omu vapwilenga vakwavo veka nawa; oloze, nge lufwelelo mu Lizu, kuneha chikuma ku chifwanyisa chivene.

⁸¹ Nge omu yapwilenga linona kukula, mokomoko tiliku. Yejile nakupwa, chikota; kahajino yejile nakupwa, chize chakusemesa; chejile nakupwa, chize chiyawu. Oloze omwo enu namushinganyeka, chize chiyawu, kachi enu kamweshi kutala kanawako, nachiya kaha nakupwa vene nge tiliku. Oloze omwo nayisokoloka, tiliku ivene ili mukachi. Chize chinapu kaha mukakumbata, cheka.

⁸² Shikaho, mwamono, Maliya, keshi kuhichila muusundako, oloze kuhichila mulufwelelo; chumachimwe vene nge omu Chapwilenga. Maliya apwilenga keshi ize Mbutoko. Maliya apwilenga kaha mukakumbata ize Mbuto.

Ikiye apwilenga wamwenemwene, Mbuto ya lufwelelo, mwomwo lize Lizu lya Kalunga linapu ha lufwelelo luze Ikiye ahanyine kuli Apalahama. Kaha lufwelelelo lunahase kuneha chuma Kalunga ahanjikile nge Ikiye mwaya nakulinga; lufwelelo mu Lizu Lyenyi.

⁸³ Talisenu omu chinahambakana nge Chuma chivene, Maliya apwilenga, oloze nge chiyawu kaha. Chize chiyawu chauva yize mbuto ivene na kuinga ikiko, kaha iya nakukulisa echi palanga inemana ukawayo, yinakulu. Shikaho chochimwe naeli liuka lya chisemunino cha muchitatu (lya Pendekosita) kukula, kukwata eli Linona palanga lwola lwakusokolola chize chiyawu. Maliya, hakupwa naye ya Kulishitu, kupwa kaha nge mukakuzuminyina.

Ikiye apwilenga na manyinga a Maliyako; Ikiye kapwilenga na manyinga ava Yuleyako; Ikiye kapwilenga na manyinga Avakamafuchi eka naeka ko. Ikiye apwilenga na Manyinga a Kalunga. Kalunga atengele awa Manyinga. Chinahase kupwa nakuhichila muusunda. Ikiye kapwilenga ka Yuleya mokomoko Mukamafuchi eka na eka.

⁸⁴ Uze kamba kapwilenga numba chumachimweko cha manyinga anaye. Aze manyinga eji kufumanga kuli ise. Etu tunatachikiza nge aze manyinga atwama muli lunga.

Nge kasumbi, nahase kusema liulu, chali nahase; oloze kachi kapwile na nachilunga ko, uze ndemba, kalyeshi kuhasa kutotekako. Linapu lyakuzeneka wilo, chipwethuhu nalisoloka vene nge liulu lya wilo. Kala kusoloka mutengeso mwomumwe, oloze kalyeshi na kuyoya muli likiko.

⁸⁵ Omu mukiko mujila na vathu vase veji kulivulukanga kupwa vaka Kulishitu. Vavavulu muli vakiko veji kusoloka kupwa nge Vakakulishitu, kweseka kulinga nge Vakakulishitu; oloze enu kamweshi na Kulishituko muze mukachi kenu, lize linpu Lizu lya solokele, mokomoko kalyeshi kuhasa kukula muli Mukakulishitu mukakufwelela Mbimbiliya wamwenemwene. Naliya lwola lwosena kupwa chumachimwe cha chikungulwilo. Kacheshi kuhasa kuyoyako, mwomwo kamweshi ku Kuyoyako, mangana liyoye.

Liulu kalyeshi kuhasa kutoteka, naliya nakupola muzevene umuswa, kachi kalyahashile kupwa hamwe na—hamwe na chilungako.

⁸⁶ Chochimwe nge na mamamembala ja liuka. Enu kamweshi kuhasa kuvalela nge kamba kaha kuvavuluka vakiko, kuvalingisa vakiko vakakuzata na vyuma vyosena kala, oloze vakiko navaya . . . enu muli nauswa wakuzala na mauulu akupola kuvangila akiko navawalingisa kuliwana na Chilunga. Echi chakwoloka.

⁸⁷ Mukakumbata, chiyawu, chalele Likiko. Echi chakwoloka. Kahajino Likiko, chize chili, ize Mbuto Ivane, yatela kuseza chiyawu, mokomoko chize chiyawu chatela kuseza Mbuto, kunea ize Mbuto Kumeso a Mwana, mangana Yihyenga. Miyachi yosena, etu twamono.

⁸⁸ Talenu hano jino omwo apwilenga hakamwihi naikiye, lize liuka lya makumbi akumakumishilo, alinakuya nakusoloka nge

Mbuto Ivene. Tala omu echi chikungulwilo cha Pendekosita chize vanakulisa na mumakumbi akumakumishilo, kaha etu natuya nakulumbununa echi chindende kulutwe, talenu, omu vakiko vejile kwakamwihi na kutala vene nge ize Mbuto.

Omwo chize chiyawu kwiza nakulovoka nge linona lya tiliku...mokomoko litwitwi lya tiliku, hanyima yachize chakusemesa kuholokele muli chize mutambo yamuchivali, kaha kuneha tambo yamuchitatu ize yinapu chize—chize—chize chiyawu. Kaha omwo chize chize. . . Kachi enu kamweshi kupwa hakamwihiko na mukakutala, enu kamweshi kukahasa kutachiza oloze lize linona livene lya tiliku muli muze. Omwo lize linona lyatete naliza nakulovoka, kusoloka nge linona, oloze enu twamenu nakulifukununa kaha namuya nakuwana nge kamweshi linonako muze. Shina chiyawu kaha, chakumbata lize linona. Jino, lize linona lyeji kufumanga muzevene. Oloze anukenu, kakweshi chuma chekako hanyima ya chiyawu.

Anukenu, kakwapwilenga cheka numba Mbuto vashikile kuhichila muli pwevoko, kalakwosena, hanyima ya Maliya. Kaha kakweshi cheka vikungulwilo vashika hanyima ya Pendekosita. Shina Kuhukula na Mwenga kwiza hanyima ya chize, eyi Mbuto, eli Lizu lyasolokele cheka.

⁸⁹ Talisenu, talenu omwo chasolokele kupwa hakamwihi. Mateu ambile ngwenyi, Mukakujila Mateu 24:24, ambile ngwenyi, ngana, “Awa mashipilitu avali mumakumbi akumakumishilo,” eyi shipilitu ya liuka ya vathu va liuka, na Shipilitu ya Mwenga ya vathu va Mwenga, “nanyiya nakupwa hamwe hakamwihi palanga nayiya nakuhungumwisa navaze vene va Kusakula kachi chahashile.” Omu mukiko chapandamina.

⁹⁰ Tala omwo yejile nakuhichila mu chikota. Jino talisenu, etu tuli nakuya nakupwa chumachimwe hano.

Luther, muze muchisemunuino cha liuka, chakuneha ize Mbuto ya Mwenga, yapwilenga Shipilitu yoyimwe. Kupwa kaha linona lyalindende lya Mbuto, Luther emanyine nakulovoka, nge apwilenga wakwoloka ha lufwelelo. Ikiye apwilenga vene muyachi wa Hagar, chize chikota.

Talisenu, Weseley apwilenga muyachi wa Sala, uze ka Fwilandefwa, chisemunuino cha zangi chize chanehele ize sangu. Uze muze mu chisemunuino cha Wesley, muze mwapwilenga tumishonali vavavulu kuhambakana kala chisemunuino etu twapwilenga navyo, chize chisemunuino chachinene cha tumishonali cha mulwola lwa John Wesley.

⁹¹ Oloze Pendekosita yamanyinako Maliya. Maliya, makumishilo ya Chize, jino, ikiye apwilenga keshi Mbutoko. Olozenyi, chize Kuyoya cha Mbuto chapwilenga muli ikiye, oloze Kayapwilenga tela kanda yihyenga. Ngulinakwivwa nge kulifukula. Ngukwechi...Maliya akwechi ize mbuto, Tele

kanda yihyenga. Yapwilenga muze, oloze Kayapwilenga tele kanda yihyenga.

Shikaho mukiko chili na chisemunuino chetu cha Chipendekosita echi etu tulinakuyoyelamo! Kuze kwatela kwiza nakupwa nge—nge Lizu lya Kalunga lize lili mukachi, lya kuzeneka kupwa chikungulwilo, kuweluka wa sali yachize chikungulwilo.

⁹² Luther ayile nakupwa chihungu na lize lizu lyenyi lyatete, “Va kakwoloka navakayoyela ha lufwelelo.” Weseley apwilenga na mazu avala, “kujilikiwa,” chamuchivali kupwa mulimo walikoji. Pendekosita vapwilenga na lizu lya muchitatu, “chize kutungulula aze mawana.” Oloze Mbuto yosena yetela kwiza nakulovoka! Talenu vakiko valikungulwile ha lizu limwe, kaha lizu likwavo, na halizu likwavo?

Oloze kuze kwatela kupwa Chumachimwe chize kacheshi kuhasa kulikungulula; chatela kupwa vene Kuyoya chize chili muze, haze yatela Kulineha chivene hali Mwenga. Kakweshi kukapwa cheka visemunuino vyamauka chekako hanyima ya echiko. Etu tuli kumakumishilo, vandumbu vamaunga na vamaawevo. Etu tuli hano. Etu tunahete. Kusakwilila kuli Kalunga! Amena. Jino, etu twamono vyuma kana vili kaha vya muchano nge omu vyatela kupwa.

⁹³ Chochimwe etu tunamono, jino, kachi ikiye hakupwa sangu, mokomoko... Wesely kupwa sangu; Pendekosita jino kupwa chiyawu, echi chinapu tambo yinashishiho ya kwiza cha Linona. Oloze, ndumbu walunga, ndumbu wapwevo, chize chikota kacheshi kupwa lize Linona ko, numba ize sangu kupwa Linona, chipwe chize chiyawu kupwa Linona; chipwethuhu, lwola hilwola nalihya, lili nakusoloka kupwa chikumanyi Linona.

⁹⁴ Chize chikota kachasoloka kupwa nge lize linona. Kahajino chumamuka chejile nakulovoka? Ize sangu, kaze kamutwe kakandende; yeji kusoloka kuhambakana nge lize linona kuhambakana lize linona kuhambakana—kuhambakana lize litwitwi lyeji kulinganga. Chumamuka nachiza chakushisaho? Chize chiyawu; cheji kukwata lize linona, cheji kulela lize linona.

⁹⁵ Jino tala kunyima hano ha lushiko lwa Kalunga alishikile na Apalahama, cha “Mbuto yove,” kuhanjika mushipilitu. Kala muli etu tunachikiza echi. Ikiye apwilenga nakuhanjika hali Kulishitu, keshi Isaka ko; kuhichila mu lufwelelo lwa Mbuto.

⁹⁶ Talisenu, watete apwilenga wa pwevo wandungo, kachasolokele nge chumako nge lushiko. Kalunga keshi kupwa na kuhasa kumbata nakukindulwisa Lizu Lyenyi kunyima hali kala muthu. Kalunga ambile ngwenyi omu nachiya na kwiza, kaha omu mukiko mujila nayiya nakwiza. Oloze, Sala, kupwa wakwimanyinako cha liuka, chifwanyisa cha liuka, echi (ikiye) kuwana muze, nge ikiye ambile ngwenyi, “Chamwaza,

Ngwafwelela echi kupwa chuma chachindende kaha. Kangweshi kaha kufwelela muli echiko, shikaho ove yako nakumbata Hagar kaha apwenga pwevo lyove.” Talenu, muze, chize chikota kachasolokele kupwa nge luzu lushikoko, cheka.

Oloze omwo Sala ejile nakulovoka, jino, chize chasolokele kupwa chamwaza. Chasolokele kupwa chamwaza kuhambakana luzu lushiko, oloze chochimwe kalwapwile lushiko luveneko. Mwomwo, Isalele, muli Isaka, ahonene kaha akanyine Mbuto yamwenemwene omwo Yejile. Haleluya! (Kanda kupwa nakuwahililako; kanda kuchinako. Echi kacheshi kuya nakumikolesako.) Kukana ize Mbuto, Vamusukikile, na Kumuhaka ha kulusu!

⁹⁷ Chochimwe nge Paulu ahanjikile hano, “Keshi ize—ize mbuto ya—ya uze pwevo wa mwanakachisemi. . . mokomoko yauze pwevo wandungo kuyanjiwisa ize Mbuto ya uze pwevo wa mwanakachisemi?”

Kaha shikaho mukiko yapwilenga na ize mbuto ya chikungulwilo kuyanjiwa Linona lya mwenemwene. Chapwa lwolalwosena kupwa mujila kana. Vakiko kaveshi kuhasa kupwa vaswana hamweko. Vakiko kaveshi kulinunga hamweko. Vakiko vali vene jishiko jivali jakuhandunuka, jiola jivali jakuhandunuka, vathu vavali vakuhandunuka, hohamwe. Umwe ali Mwenga, kaha mukwavo umwe ali liuka. Kakweshi kulipezalisa, numba hamweko, navakiko.

⁹⁸ Oloze chochimwe vakiko kaveshi kupwa Mbutoko ize vashikile kwiza. Chipwe omwo chapwilenga na Sala, chipwe omwo chapwilenga. . . Kaha chipwe omu chapwilenga na Hagar, chipwe omwo chapwilenga na Sala, mokomoko—mokokomoko chapwile na Maliya, chapwilenga na ize Mbuto.

Maliya kapwilenga ize Mbutoko. Ikiye apwilenga mukakumbata ize Mbuto, oloze ikiye ayilelele, kuneha nakuyilovola kuyifumisa mujimo. Kupwa kaha chiyawu, kuyifumisa mujimo ize Mbuto ivene, oloze chize chiyawu kacheshi Mbutoko. Chili kaha. . . Yili hakamwihi na ize Mbuto. Yinajinguluka ize Mbuto.

Kuyima okwo muze muchikota, chize kuyoya chalimwangile kuhita mwosena muze mu chikota. Kaha omwo chejile kuli chize chakwimichisa, yaliungijikile hamwe. Oloze omwo chejile kuli chize chiyawu, kuze vene kwishi nge mbuto, nakutungu chize nge mbuto.

Yesu amulwekele chuma muka nachiya nakupwa mulikumbi lyaamakumishilo, “Kupwa hakamwihi nachihasa kuhungumwisa navaze va Kusakula kachi chahashile,” oloze jino ize Mbuto yejile nakupwa nakufuma muze. Kaha chize chiyawu, chize Kuyoya kuseza chize chiyawu. Kaha chize chiyawu chinapu mukakumbata, kaha chize chinapu vene omwo chatwama na vikungulwilo, mukakumbata; Luther, Wesley, Pendekosita.

Kaha jino hilolwa Mbuto yatela kulovoka. Talisenu, talisenu, kupwa kaha. . .

⁹⁹ Ikiye apwilenga keshi ize Mbutoko. Maliya kapwilenga keshi izeko. Shina chiyawu kaha, sangu, kaha chikota, mukakumbata chize chihanda cha lize Lizu, keshi Lizu lyosenako! Luther apwilenga kuvulukila kwoloka; Wesley apwilenga na kujilikiwa; Pendekosita apwilenga na kutungulula cha mawana. Oloze omwo lize Lizu lyejile. . .

Jino, vakiko vahashile kuneha chize, chize, kuvulukila kwoloka nge nachiya nakulwila muthu. Enu mwafwelela echi? Punduvene, yapwilenga yikakumbata lize Lizu, chochimwe nge Ngwafwelela chize chikota chinapu chihanda cha ize tiliku. Punduvene, mukiko vene, oloze yapwilenga yikakumbata. Kayapwile na chize Kuyoyako.

Kahajino kwejile kujilikiwa. Vangahi vafwelela mu kujilikiwa? Enu mwafwelela eyi Mbimbiliya, enu mwatela kupwa. Punduvene. Shikaho chochimwe chize kacheshi chikikoko; chili vene chindende kuhambakana haze; aze anapu mazu avali.

Oloze jino twaya ku Pendekosita, chize kutungulula mawana. Kuhanjika mumalimi, vakiko kuchivuluka kupwa chinjikizo cha Shipilitu Wajila. Kuhanjika mumalimi, kuze, vakiko vachivuluka kupwa chinjikizo chatete, chize chanehele (ika?) chize chiyawu, oloze vakiko vachikungulwile.

Oloze omwo enu namwiza nakuhanjika, “Yami na Tata Yami twapwa Umwe,” kaha vyuma kana evi, kahajino chize chiyawu kukokeka nakufuma Kuchikiko. Oloze yamwenemwene, Liuka lya Mwenga wamwenemwene naliya nakuneha Lizu lya Kalunga, mukuzalilila Chacho na mungolo Jacho, mwomwo Ikiye apwa youmwe zau, lelo, na hayamyaka.

Talisenu, muze mujimo lya Maliya mwapwilenga ize Mbuto.

¹⁰⁰ Oloze omwo ize Mbuto vayisokwelele, Yahajikile ngwayo, “Nguneza nakulinga mwaya muchima wa Ikiye uze Angutumine. Yami na Tata Yami twapwa Umwe. Kachi Kangweshi nakulinga milimo Yenyiko, kanda Mungufwelelako.” Haze hakiko hapwilenga ize Mbuto. “Hiya hali umwe wenu nahase kungupaisa Yami ha kuzeneka kufwelela? Chuma Mbimbiliya yinashiki Nanguya nakulinga, Ngunachilingi. Kalunga nachitavila lyehi kuhichila muli Yami,” Ikiye ambile ngwenyi. “Hiya nahase kungulweka Yami jino?” Talenu?

Oloze, ize—ize Mbuto muli Maliya, chize chiyawu, yatelele kuneha hakamwihi na Chize, oloze kayahashileko. Kayapwile muze mujimoko.

¹⁰¹ Talisenu, kaha muze muchisemunuino cha Pendekosita. Kuhichila mu chisemunuino cha Luteleni, kuhichila mu

chisemunino cha Wesley, chinapunga chochimwe kuhita muli chino chisemunuino cha Pendekosita.

Jino talisenu. Oloze ha kusokolola cha Tutachikijilo twa Seveni, Kusoloka 10, chize kuzala cha Lizu lyatela kusemuka mukulisolola cheka, kaha kwinjikiza hali Shipilitu ya Kalunga, mu kuzala cha ngolo nge omu Chapwilenga omwo Ikiye apwilenga hano hamavu; kulisolola mujila yoyimwe, kulinga chumachochimwe muze Yalingile omwo Yapwilenga hano hamavu. Amena! Hepelewu 13:8, ngwayo, “Yesu Kulishitu ikiye youmwe zau, lelo, na hayamyaka.”

Muli Mukakujila Luka 17:30, Yesu ambile ngwenyi, “Mu mumakumbi akumakumishilo, nge muze chapwilenga mumakumbi a Satome, omwo Mwana muthu mwakaya nakulisolola Lyavene cheka, nachikaya nakupwa chochimwe.”

¹⁰² Aka kaye kali mu seteko ya Satome. Kaha eli liuka linayi mu Satome, na echi, nge Lote na pwevo lyenyi.

Kaha Nanguhanjika ngana nge kuli Liuka Iya Kusakula kumwe muno mukaye, lize lili nakukoka kaha nakupwa sali kufuma mu vyuma, kaha kusoloka cha Kalunga chinakoko Echi kukokeka. Etu tuli ku makumbi akumakumishilo.

¹⁰³ Chize chiyawu chinahane Ngolo jacho kuli ize Mbuto. Yatwalilaho kuya; chapwilenga chiyawu chamwaza, oloze chazachile lwola lwacho. Talenu, linapu Lizu Iya Mwenga lize Lizu Iya Samwenga!

¹⁰⁴ Ize mbuto ya kuchisemwa ya Apalahama, ya Isaka, na Yakova, na...Mokomoko, mbuto ya chisemwa, shina, ya Ishmael, mbuto ya chisemwa ya Isaka, na vyangochi, yatela kuya nakwingila mumavu, mangana ku—kuneha nakulovola jikwavo, kuneha nakulovola Yesu.

Kaha shikaho akwechi vyuma vyeka nawa, jimbuto jatela kuma...Ngwatwale mu, chize chiyawu chatela kuma, kaha chize chakwimichisa chatela kuma, kaha vyuma vyosena kufwa, shikaho Mbuto yihase kulilovola Ivane. Omu mukiko mujila yatela kupwa muli chino chisemunuino.

¹⁰⁵ Vikungulwilo vyatela kupwa vikakumbata chize chihanda Chacho, chihanda chize cha eli Lizu, mwomwo Chinapunga chakusweka kufuma kuli vakakutungulula vakamangana, mokomoko ize...kujikiwa kufuma kuli vakiko, palanga chize chisemunuino cha Kwaze kusoloka. Eyi Mbimbiliya yahanjika ngocho. Eyo, mwane. Mwomwo, etu tuli vakushika muze mu Malaki 4. Mukikovene, mukiko twapwa.

“Ikiye aswekele Echi kufuma kumeso avakamangana na vakakunangakana.”

¹⁰⁶ Nge etu tuli na kuya nakuhita mu Mukanda wa Kusoloka, etu tunawane nge chize, vosena vatatu hali vase miluwa vavaze visuma valovokele; wosena vamaneyineko Luther

vene, umwe wosena kutwama naumwe kusali yaumwe vene kanawa, uze apwile ngombe kaha tunyama vakuhandunuka vamu Mbimbiliya; vakiko vayile mu kuvulukila kwoloka, kujilikiwa, nakwingila na mu Pendekosita. Oloze uze wamuchiwana apwilenga kwaze, echi chakwoloka, kaha kuhituluka mu chisemunuino cha Kalunga chize Akatwile. Shikaho echi chinapunga kwiza nakuhita muchisemunuino kupwa chakwoloka, eyo, mwane, elu lushiko wa kwaze kupwa lwakuzalishiwa mu—mu Malaki 4.

107 Yesu kapwilenga Maliyako, oloze ejile nakuhichila muli Maliya, nge Kuyoya kuhichila mu chiyawu.

108 Jino, vavavulu muli enu vandumbu vamaunga vamwaza va Katolika hano, mokomoko vandumbu vamaewe, ufukuuno, pamo kushinganyeka Maliya apwilenga “naye ya Kalunga,” nge omu mweji kuhanjikanga ngwenu mukiko apwilenga. Nachipwa ngachilihi ikiye kupwa naye ya Kalunga, kaha Kalunga atwama na maputukilo na makumishilo? Talenu? Hiya apwilenga Ise ya Kalunga, kahajino, kachi ikiye apwilenga naye? Talenu?

Ikiye apwilenga Tengi yenyi, kaha ikiye kapwilenga keshi tengi Yenyiko. Ikiye atengele, Lyavene, mu lijimo lya Maliya, keshi tengeso yenyi iveneko. Yapwilenga Ikiye, kutenga, Lyavene. Ikiye kapwilenga keshi ikiyeko, oloze ikiye apwilenga wa Ikiye. Echi chakwoloka. Eyi Mbimbiliya yatunangula etu, echi, “Vyuma vyosena vavitengele kuli Ikiye,” talenu, “kaha kakweshi chuma vatengele oloze chize vatengele kuli Ikiye.” Shikaho mwapwa ngachilihi Ikiye. . . Mwapwa ngachilihi Ikiye kupwa naye, ohonyi Ikiye apwilenga Kalunga Lyavene?

109 Jino etu tunamono hano echi kusoloka chamuchano cha chifwanyisa chamuchano. Kuli mapwevo vatatu vakakumbata va mbuto ya chisemwa, palanga kukula cha Yesu. Nachipwa ngachilihi Ishmael mwahona kupwa, mwomwo ikiye asemuka, vene, muchuma chize etu tulinakushinganyeka lelo, wakuweluka wa livungu livene, mwomwo ikiye apwilenga mwana walunga wa pwevo wandungo. Kahajino kwiza chindende kupwa nge Ikiye, nge Yesu, uze ejile nakulovoka muli Isaka; oloze chochimwe kachapwile ngochoko, mwomwo asemukile kuhichila muusunda wa Sala na Apalahama. Oloze jino kutwalilaha kwejile Maliya, ha kusemuka cha sanda, chanehele Yesu Kulishitu. Echi chakwoloka. Kalunga, lize Lizu, kupwa musonyi.

110 Jino tala. Kuze kwapwilenga mapwevo vatatu. Kuze kuli mapwevo vatatu chifwanyisa hano, mauka. Vaze mapwevo lwola lwosena vafwanyisa mauka. Kulumbununa, visemunuino vya vikungulwilo vitatu, vakakumbata, uze vyatela kufwa na kuma, chochimwe nge chize chiyawu na vyangochi, kuhana kapete kuli ize Mbutu. Ize Mbutu kayeshi kupwa kanawako, kayeshi kuhasa kuhya, chipwe, kuvangila muli chiyawu, chikota, na mafwo, vyosena vinomu. Echi chakwoloka. Nachineha kala Kuyoya

chosena, mulichikiko, kulovoka; amena; mwosena yapwilenga, echi chili, kuhakako.

¹¹¹ Kaweshi kuhasa kuchilingako! Jino yinapu lwola lwa Mbuto, mokomoko lwola lwa Mwenga. Vize viyawu vinafu. Vize viyawu vinomu. Luze lwola lwa Lizu lya sanda, kavalukwachileko. Napu sanda, anuka, lwola lwa Lizu lya sanda. Kachi enu namuhaka Echi mumavoko a chikungulwilo, Kaha punduvene kalyeshi kupwa nawa sanda ko; Naliya nakupwa mumavoko a muthu, lwola namuya nakupwa Nalyo. Oloze Liuka lya Kalunga kavalikwata na chikungulwiloko. Haleluya! Linapu Lizu lya Kalunga lya kusemuka muusanda linasoloka, Yesu Kulishitu youmwe zau, lelo, na hayamyaka. Haleluya! Omwo, omwo chawaha! Ngwazanga Echi. Ngwafwelela Echi. Ngunatachikiza Echi kupwa Muchano. Kaveshi kuya nakulikwatako. Kakweshi kuya nakupwa chikungulwilo kukwata kuli muthu Mukusemuka cha sanda wa Mwenga ko. Nduma, mwane! Ikiye apwa—ikiye apwa wakulweka kuli Kalunga kulovoka kufuma muchuma kana. “Kanda kukwata kuchuma chavo chamajilo, nakwiza nakupwa likuvi.”

¹¹² Echi chili nakungwanukisa. Omu Ngwapwilenga nakwiza kufuma ku Phoenix likumbi likwavo, kwiza ku Tucson, kufuma kukuliwana, ize Shipilitu ya Kalunga ya ngusanyikile ngulyungumike; nge pwevo na Yami twapwilenga nakuya, nakuhanjika, kaha vaze vana vapwilenga vanasavala thulo kunyima ya motoka, tele kunatoko lyehi. Changusanyikile kulyungumika kuli chiselele, kaha Ngwatalile uze chiselele chindende kaha kumutanga. Ikiye ali muyachi wa liuka lya lelo.

¹¹³ Jino, uze chiselele, nge omu twamutachikiza etu vosena, nalijimbalisa kusoloka chenye tengeso yenye yatete. Echi chili vene chakwoloka. Lwola ikiye apwilenga wakulifwana na ngonga, yayenyi wamunene; mukiko apwilenga na chiselele. Oloze jino ikiye akutuka cheka chikuma mwiluko, mangana akwate mana ya mwilu, oloze ikiye neza nakupwa wamuvwovu. Ikiye katuka muutangatanga chekako. Ikiye mukakwenda hamavu, nge likuvi; kutwamanga hajitambo ja jishinga; kutambuka ukawenyi, kutondatonda vambwanda vakufwa. Uze chiselele kavamutangile alingenga ngachizeko. Nduma, ikiye apwilenga wakutanga kupwa wakulifwana na ngonga.

Jino, chize chili kaha nge liuka. Lyapwilenga lyakulifwana na ngonga. Lyatela kutambula kuvyuma Vyamwilu. Oloze, kachi ngocho, oloze linea nakupwa lyalivwovu. Kalyatuka cheka mwilu chikumako, muze muchila. Nduma, mwane. Linakundamina ha jijila jakutona, ja kuwitavila, cha shikola, kaha kutanga chauthu, mu vyuma vya chikungulwilo chakutunga kuli muthu; kutala ha lizavu lya vambwanda vakufwa, vanapolo chindende, chize hichuma cheka. Echi chakwoloka. Kuzombwangila hamavu jino, mwamono, echi chakwoloka, chiselele. Talenu, echi chikiko chili nakuhanjika.

Uze ngonga kalumukileko numba chindende. Ikiye natwame ngonga.

¹¹⁴ Ikiye katukako muutangatanga, chiselele kalinga ngchizeko, chekako, kukwata mana yituta ili muze, oloze ikiye akundamina ha chuma mwawana chakufwa lyehi. Uze chiselele kanda... kuhanjika ikiye katelele kupwa hamavuko. Oloze tala uze chiselele wamwaka lelo. Yako shikumuka mujila, enu namumona hajitambo ya shinga hanatwame hatu viselele, talenu kachi ikiye mwawana chumachimwe—chumachimwe vanajiji, chuma chakupola chuma chimwe. Ikiye atela kulinga ngachize mwomwo katwama na mavava akutamoko akutuka. Ikiye... Chuma chatete munatachikiza, ikiye mwaya nakupwa hamavu, hamwe, kuholoka hamavu mwomwo wa muvovwu. Ikiye kazachisa ngolo jenyiko, cheka, jize Kalunga amuhanyine.

¹¹⁵ Kaze katachikijilo kenya kakulimanyina kapwilenga kutuka muutangatanga na kutala mwishi kufuma helu, oloze jino ikiye mweza nakushikumuka kaha alinakuhona numba kutala kwilu. Ikiye akwechi vishinganyeka havambwanda vakufwa, nakuwana chuma muka ikiye mwaya nakuwana hamavu; vamwe kangamba, muhale, mokomoko chumachimwe mthuumwe nachiki. Ikiye keshi ngongako, oloze ikiye chumachimwe chakulifwana kaha.

Kupwa kaha nge liuka kukundamina hakulya cha kutanga na vyangocho, kulya chakufwa chize chafwile myaka oyo kunyima, kuhichila muli Luther, na Wesley, kaha va Pendekosita, tele vanahichi, ikiye alile. Echi chili nakusoloka kunyima kupwa jishimbi jakutunga kuli muthu; kachi mangana atuke nakuya Mumelu a Lizu, kuze, “Vyuma vyossena vinapu vyavyashi kuli vakiko kufwelela.”

¹¹⁶ Ikiye ambachile vaze vambwanda va makololo. Vakiko vyuma vyakufwa vyakusala kuli makuvi, aka kaye. Kutanga na vyangocho, vapwilenga vya kaye, keshi vya Liukako. Ikiye apwile wamuvovwu keshi... Keshi yakufwakulukako cheka. Ikiye keshi kuhasa kukanduka Mumelu mwakufwakuluka, kuze, “Vyosena vinashiwa kulivaze vakufwelela.”

Ikiye mwakinduluka kunyima, nakuhanjika ngwenyi, “Chamwaza, Ndotolo *Munganji mukananga* ahanjikile chumachimwe... Chikungulwilo chami kachafwelela Echi mujila kanako.” Mamalelo, ove chiselele wakuchongona, wawoma kuzachichisa jishiko ja Kalunga!

Enu ngwenu, “Chamwaza, makumbi avikomwesa ahita lyenyi.”

¹¹⁷ Enu muli vavavovu. Enu muli nawoma wakumbata mavava enu na kutuka kuhambakana. Kaha enu muneza nakupwa vavavovu kukuliwana cha kulomba? Enu muneza kuchihela chize enu muli nakwivwa woma wa kutwama chipwe teni minyutu kukamenga?

118 Kwenda nakutambuka nge likuvi, kulya masalila avyakufwa hamavu! Eyo, mwane. Ikiye ali wamuvwovu kuya mwakufwakuluka nakuhambakanaho, chekako. Kwenda nge likuvi, na kulya kulya cha makuvi. Omu mukiko chili. Echi chakwoloka. Palanga, ikiye mwaputuka kutala nge likuvi. Ikiye mwalinga nge likuvi. Ikiye keshi sheka uze chiseleleko ali nakuchilingako. Ikiye ali jino nge likuvi kuhambakana na chiselele. Uze chiselele atelele kutuka helu; keshi kutwama hamutondo watambo ya shinga nakutala ha mbwanda wa kufwa, kahajino kushikumuka kuze nakutalatala mujila nge likuvi. Talenu?

119 Muze mukiko mujila yoyimwe lili liuka na lelo. “Mulimo uka wakuya Kuze na kutuka nakujinguluka, omwo Nangumbata vaze vambwanda hano?” Oloze vakiko vali vakufwa. Vakiko vali vakupola. Vakiko vali vakupihisa lyehi. Lwola lumwe, vakiko vapwilenga vamwaza; shikaho mukiko yapwilenga na kunangula cha Luteleni, Wesley, na va Pendekosita. Mwomwoika enu muli nge uze likuvi? Kuze kwapwilenga mana yayihya kuholoka ha ufuku wosena, kulovoka kusali ya melu, mwomwo vana va Isalele vapwilenga nakuya muungeji; kalachuma chinasale chinapihi lyehi. Etu tuli nakuhanjika, mulifuchi, “ukwechi tumbilumbilu.” Muli vavavulu vaze tumbilumbilu mukupwa chetu lelo, kulifukula chetu, chinemanyina hali muthuumwe nawa mwahanjika ika, chumamuka muthukala mwahanjika, kaha, “Elu lushiko luli lwa chisemunuino cheka.”

120 Lunga umwe ejile kuli yami keshi hanyima chikumako, mukakunangula wamu Mbaputishiti, kuze kuzuvo yami, kaha ambile ngwenyi, “Munatachikiza,” ambile ngwenyi, “Nguli—Nguli kaha nakutonda kwolola enu ha chumachimwe.”

Ngwambile ngwami, “Ika?”

Ambile ngwenyi, “Enu mulinakweseka kutangisa Kunangula cha chipositolo muli chino chisemunuino.” Ambile ngwenyi, “Chize chisemunuino cha chipositolo chahita lyehi.”

121 Ngwambile ngwami, “Lwola muka?” Talenu? “Nanguya nakumilweka enu kuputuka, kaha ove ungulweke oho chahichilile.” Ngwambile ngwami, “Ove wafwelela Lizu?”

Ikiye ambile ngwenyi, “Ngwalingamo.”

122 Ngwambile ngwami, “Chosena chakwoloka. Jino, ha Likumbi lya Pendekosita, ove wafwelela nge haze hakiko chisemunuino cha chipositolo chaputukile?”

Ikiye ambile ngwenyi, “Ngwalingamo.”

123 Ngwambile ngwami, “Jino, uze mukakuhanjika, Kapositolo Petulu, ambile maze awa.”

Kaha anuka, Yesu ambile ngwenyi, “Wosena mwakambata Lizu limwe kulifumisa muli Eli, mokomoko kuhakako lizu

limwe kuli Echi, chihanda chenye navakaya nakuchifumisa mu Mukanda wa Kuyoya,” uze mukakunangula mokomoko muthuumwe uze akwechi lijina lyenye mu Mukanda.

Ngwambile ngwami, “Petulu ambile ngwenye, ‘Pihililenu, muthu vosena muli enu, kaha pwenu vakujimika mu Lijina lya Yesu Kulishitu chakuneha kukonekela shili, kaha enu namutambula wana wa Shipilitu Wajila. Mwomwo lushiko kana luli kuli enu, na kuli vana venu, nakuli vaze vali kwakusuku, vosena vaze Mwata Kalunga ketu mwakaya nakusanyika.’ Lwola muka olwo jino? Nalupwangako lika.”

Vanapu lizavu lya viselele vanalovoka kupwa makololo, na kwenda nakujinguluka ha vafu veka vakufwa, vakujiha kuchisemunuino chikwavo. Chakwoloka. Keshi mana yituta kufuma Mwilu, chakako. Vakiko kavatondeleko. Vakiko kavatondeleko. Vakiko kaveshi nakutonda kulomba chakuliwanako. Keshi vangongako, kukuputuka; vavavovu, keshi vakufwakulukako; veji kaha kutambuka nakujinguluka.

¹²⁴ Shikaho mukiko chili na chikungulwilo chetu chakutona, chakwimanyina ha kutanga kunangula chauthu chakutunga kuli vathu, kulumbununa Vyuma vyosena evi kutwala mweka, kaha vakiko veji kwitavila vize. Vakiko kaveshi kuhasa kumbata eli Lizu linahanjika ngwalyo, “Yesu Kulishitu apwa youmwe zau, lelo, na hayamyaka.” Vakiko kaveshi nakumbata Malaki 4. Kaha ikiye keshi nakumbata eji jishiko jikwavoko jakutwala kulikumbi lyalelo, kaha ambile ngwenye omu chisemunuino cha liuka. Omu ahanjikile kapolofweto, “Nakukapwa Kumunyika mulwola lwa chingoloshi,” vakiko kavambata Echiko. Vakiko vanatondo kwenda nakujinguluka havyuma ovyo vamwe vakakulivwasana na Chipendekosita vajihile, mummyaka yakunyima handulendi okwo, kulya mana ya chimbwa yakupola. Echi chakwoloka. Kacheshi chamwazako.

¹²⁵ Talisenu, liuka lili chisemwa kaha, lyeji kulya ha vyuma vya mukaye, vyuma vyakufwa vya mukaye, chochimwe nge omu veji kulinganga makuvi. Milingu lya muliuka, vakiko kavechela uze Shipilitu Wajila kutuma muthu kuliuka; vakiko vali na milingu na kutala kachi chikungulwilo navaya nakuvatambula mokomoko nduma. Echi chakwoloka. Vakiko vali nge kaye. Vakiko kuvwala nge kaye. Vakiko kusoloka nge kaye. Vakiko kulinga nge kaye. Vakiko vapwa makuvi, nge kaye. Vakiko vapwa vovwa, vavavovu, kulivwasana. Muze mukiko kaha chili.

Enu mwamona lyeji ngonga kulivwasana? Nduma, mwane. Kakweshi kulivwasana muli ikiyeko. Chipwethuhu Mukakulishitu wamwene mwene. Ikiye keshi wamuvwovwuko. Ikiye mwaya nakutonda palanga Mwawana. Amena. Eyo, mwane. Ikiye mwaya nakuwana Nyama yenye. Ikiye natondo Mana yituta. Ikiye mwaya nakushikumuka kuze na kufula

palanga ikiye mwawana Chize. Ikiye mwaya mwatuka helu chikuma kuma. Kachi kakweshi numba umweko muchana, ikiye mwazezuka helu chikuma. Muze mwazezuka chikuma, mukiko mwamona kanawa. Shikaho lunapu lwola lwa va ngonga valikumbi lino kutuka helu chikuma, kufula jishiko ja Kalunga, keshi kuyoyela hakulya cha likuvi uze vanajihhi myaka oyo; kufuma hali chize.

¹²⁶ Milingu, kusakula umwe kaha kusakula nakufumisa mukwavo, kuhanjika *echi*, *chize*, mokomoko chize *chikwavo*, kaha Shipilitu Wajila keshi cheka na jila yamuze muliuka chekako. Kakweshi cheka kuliwana chakulomba, kakweshi cheka kulivwasana na Kalunga mangana azalise Lizu Lyenyi! Kakweshi cheka kufwelela nge lize Lizu hanga lyolimwe zau, lelo, na haya myaka! Vakiko hanga vali nakuyoya nge makuvi, kupwa nachikungulwilo, kuhaka lijina lyenyi mu mukanda; kaha kupwa vakuzeya kaha vavavovu, kaha kutwama kunyima kuze kulitawila vyuma vimwe vyakulya vyakufwa. Kaha, jino, chipwethuhu kupwa nge chiselele uze ali wakulifwana na ndumbu walunga kupwa nge ngonga, kapolofweto uze anehele eli Lizu lya muchano na kusolola Echi.

¹²⁷ Akundamina ha chimbwa chakupola, kunangula cha uthu. Kulihi ikiye achiwana? Mu vyuma vyauthu mukwala cha Shikola ya Chalumingo, vamwe vakakulongesa vamujihilile ikiye kunyima okwo kutangisa chimwe, kumulweka ikiye nge, “Makumbi amakumishilo anahichi lyehi. Kuze kakwapwilenga vyuma vyakufwana nge lujimiko lwa Shipilitu Wajila. Vyosena Evi vyakuhona mangana.” Enu munatwale nge kungulweka yami nge ngonga mwahasa kulya chize? Ikiye keshi kuchihasa kuchilingako. Nduma, mwane.

¹²⁸ Chipwe Mukakulishitu kuya nakulya ha vyuma vyakufwa kufuma kukunangula cha kuchikungulwilo na vyuma vimwe. Vakiko vanatondo Lizu lya Kalunga, mumusonyi, luze lushiko lwa ola. Kalunga kushika vambwanda mumakumbi a Luther. Ikiye ashikile vyuma vyeka mumakumbi avakwavo. Oloze jino Ikiye ashikile etu Kulya chakutamo, Kwala chakulya chakutamo, mwomwo Tutachikijilo twosena twa Seveni vanatusokolola, kaha vyuma vyosena vinalizange lyehi na Lizu lya Kalunga, kuli vaze vanahase kutambula! . . . ? . . .

¹²⁹ Chiselele kujongangila nge makololo. Mamaah, yami! Shinganyeka hali echi, omwo chinapu chachikalu, mwomwoika—mwomwoika lwola lunahete. Kupwa kaha nge chiselele najimbalisa katachikijilo nge chiselele, shikaho nge naliuka lyajimbalishile lyehi katachikijilo mukakumona (kajila) ndumbu walunga wa ngona, tupolofweto ja Kalunga.

Uze apwilenga mukakumbata lize lizu lya muchano, kuvulukila kwoloka; kahajino, kwiza nakupwa mukakumbata kujilikiwa; kahajino, ejile nakupwa mukakumbata wa lujimiko

lwa Shipilitu Wajila, kutungulula mawana. Oloze jino, omwo Ikiye atwalileho: kaha kutwalilaho kuya kunyima, kweseka kulya chumachimwe, mana kufuma kulikumbi likwavo, chakupola, kachapwile chamwazako.

Ngonga wa mwenemwene walikumbi lino atachikiza nge apwilenga wakwoloka. Oloze etu tukwechi echi, kuhakilaho, palanga Yesu Kulishitu nalisolola mukuzalilila cha ngolo Jenyi, nge omu Ikiye ashikile kupwa mulikumbi lino lya makumishilo.

¹³⁰ Ikiye ali jino chiyawu chaumu. Chinahichi; ize Shipilitu ya Kalunga yahichile muli ikiye, unapu muchano. Kaha kamweshi, ikiye keshi kupwa swana na Lizu lya Mbuto lya kwinjikiza. Ikiye pundu keshi kuhasako. Ikiye keshi kupwa Mukuhukulako. Ikiye mwaya nakupwa membala wa liuka, pamo kwiza mu kusanguka chamuchivali, vakamusopese kutesekesa na ovyo ikiye evwile.

Kachi enu muli hano ufukuuno, kaha kupwa kaha membala wa liuka, kusopesa chove nachikaya nakupwa ngachilihi, omwo etu vosena natukemana kuze na kupwa vinjiho nge wevwile uze Muchano? Talenu?

Ikiye keshi cheka navajiji muze mwakuhona kutachikizako, muze mwakuhona kwijiva, muze mwaukalunga, muze Jingolo na kujindama, na jishiko ja Lizu lya Hayamyaka lya Kalunga linashiwa, “vyuma vyosena kuli vaze vafwelela.” Ikiye keshi kuhasa kufwelela Chizeko, ikiye ambile ngwenyi. Ikiye aholokele cheka kunyima kuze kutambo ya shinga, kaha ambile ngwenyi, “Chikungulwilo chami chahanjika ngwacho vaze vambwanda valithuhu kanawa.” Chipwethuhu vakiko vakwechi mavunu muli vakiko, oloze, eyi, “Vakiko valithuhu kanawa,” talenu. Ikiye nakundamina hali chize.

¹³¹ Pendekosita ili nge chikungulwilo cha ndumbwenyi wapwevo likuvi, kutwama jino hahanene “chitwamo cha kasulu ya kuzeneka ukalunga,” punduvene, kwivwulila ku kaye kenyi, vakulwane vamilingu kumulisa kulya cha likuvi chavambwanda vakufwa, cha vyuma vimwe vize vinahichi, mummyaka fifite kunyima okwo. Ize ikiko seteko ya liuka lya Chipendekosita. Mamaah, yami!

¹³² Kupwa kaha nge Sala kweseka kuneha lushiko lwa ngolo jaukalunga ha—ha kumbata Hagar, shikaho mukiko lili na liuka, kweseka kuneha kuhizumuka. Ava vethu vakakwambulula vavanene mumafuchi osena lelo, “Echi kuhizumuka mulwola lwetu! Echi kuhizumuka mulwola lwetu! Enu vosena va Mesondisiti, Mbaputishiti, Pendekosita, enu vosena hamwe.” Namuya ngachilihi nakupwa nakuhizumuka cha Mana yituta ya mwaka, ya kufwa, kulya cha makuvi? Namuya ngachilihi nakupwa nayo, kuhizumuka mulwola lwetu?

Echi kuhizumuka nachiya naupwa chachindende vakiko navaya nakutachikiza nge chasolokeleko.

¹³³ Vapendekosita vambile ngwavo, “Mamalelo, kulinakuya nakupwa vyuma vyavinene vinakusoloka.”

Echi chasolokele, kaha vakiko vanahono kutachikiza echi. Talenu, echi chili. Talenu? Eyo, mwane. “Mwomwo kuze kuli Chivimbi, kukiko nakukapwa nakukungulukila vangonga nawa,” kupwa vakukunyuka nge omu kaye. Talenu? Mukiko kaha Chahanjikile. Chivimbi Chuma muka? Eli Lizu. Ikiye eli Lizu, uze Chivimbi, Kulishitu! “Kulishitu muli ove,” uze youmwe zau, lelo, na hayamyaka. Chinapu muchano Ngachilihi!

¹³⁴ Sala, kweseka kupwa na lushiko lwakuzalishiwa, mwamono, muunene... nge eli liuka lelo, “kuzikumuka chachinene mulwola lwetu,” (ha chuma muka?) ha kuchongonona lushiko. Namuya ngachilihi nakuchilinga, ohonyi Kalunga kanda lyehi akisule chikungulwilo?

Ikiye kanda azachise chikungulwilo. Nge mujimbu unanyi, kaha vakiko valivwasanyine, kaha chafwile hazevene. Ngulinakupaisa kala mukakutachikiza mijimbu yakumwaka kungulweka yami kulihi lyakatukile cheka. Yafwile hazevene kaha chatwamine hazevene. Kalunga atambukile nakulovoka kufuma muli uze mukakumbata, nakwingila muli weka; kulovoka vene kufuma muli va Luteleni, kwingila muli va Mesondisiti; muzevene kufuma muli va Mesondisiti, kwingila muli va Pendekosita; jino Ikiye atambukile nakulovoka muli va Pendekosita, kwingila mu Mbuto.

¹³⁵ Mwomwo, yatela kupwa Mbuto. Enu kamweshi kuhonewesa tengesoko. Kakweshi numba, chuma cheka hali chize kusoloka oloze Mbuto, shikaho Mbuto nayiya nakulineha Ivene. Ikiye apwa youmwe zau, lelo, nahayamyaka; uze youmwe Panda ya mulangi wa Kakahya, kusolola vinjikizo vyovimwe, jojimwe jize Ngolo, youmwe uze Kalunga, vinjikizo vyovimwe, vyuma vyovimwe, kwinjikiza eli Lizu na eyi Mbimbiliya, mukiko kaha. Ikiye apwa youmwe zau, lelo, na hayamyaka. Ikiye ali nakutwaminyina, ufukuuno. Kalunga atukafweko etu kumona Echi na kufwelela Echi! Punduvene!

¹³⁶ Talenu, Sala, lize liuka, ambachile Hagar. Chize kachazachileko. Keshi ngochoko? Nduma. Kumbata chenya chakumufumisa mulizavu kacheshi kuzachiwa leloko, numba mumwe. Vandotolo, naji Ph.D., naji L.L.D., kavyeshi kuhasa kuchilingako. Vosena vakakumbata vahonene.

Luther ahonene, nge omu alingile Hagar. Chuma muka Hagar alingile? Hagar amuhanyine mwana walunga wakulipwevo mukwavo uze wahakamwihi (echi chakwoloka?), kukatwilamo mwana. Hagar alingile chize; ahanyine mwanawalunga, mwenenyi walunga umwe kaha, wakuli pwevo mukwavo wakulihata nenyi (keshi nayeko), kumukulisa. Echi chinapu chuma chochimwe na Luther alingile omwo ahanyine mwanenyi walunga, kuvulukila kwoloka, kutwala

ku chikungulwilo mangana uleya nacho, echi chinapu vene, kumukulisa.

¹³⁷ Wesley ahonene mujila yoyimwe nge muze alingile Sala, kukakasana na Kusemuka cha ngolo jaukalunga kupwa lujimiko lwa Shipilitu Wajila, nge muze Sala alingile mumutondo wa oak. Omwo Wesley vamusolwele na ngolo jaukalunga, omwo chize chisemunuino cha Chipendekosita chejile kaha Wesley vamujimbwile na kuhanjika mumalimi kaha chosena Echi, vakiko vasehele na kumusekeleka hali Echi. Enu Liuka lyosena lya Kulishitu, kaha naenu, vavuluka, kaha enu va Mbaputishiti, nava Pulishiteliyani, kala enu vosena, mwalumwine mazulu kutalisa helu, hali Chize, kaha nakuya kufuma kuli Chize. Chakwoloka. Chuma muka enu mulinakulinga, Wesley? Enu mwalanjisa vana ku chikungulwilo, kaha chafwile na kunonga. Echi chili vene chakwoloka.

¹³⁸ Oloze, lize Lizu, lize Lizu lya muchano lyatwalileho. Kalyatwamine muze mu chikungulwilo. Lyatambukile nakuya nakwingila mu pendekosita, kaha kumbata vimwe vikavo nalyo. Apwile Mwana walunga wakukula, nge ize Mbuto yaholokelele mujimo; kaha, hanyima chindende, Yaputukile mumutanda, kahajino kupwa na vihuyungu, kaha yapwile namutwe na mahinji.

Kaha, hanyima chindende, Yejile nahachihela chize Lyapwile lyakusemuka. Echi chakwoloka. Shikaho, omu mukiko na Liuka lyakulila, mujila yoyimwe.

¹³⁹ Wesley akakasanyine nge muze alingile Sala muze mumutondo. Ikiye ambile ngwenyi. . . Omwo Kangelo ka Mwata, uze Muthu, kuvwala nge. . . Mokomoko, nge Kangelo, Kalunga, yapwilenga, Lyavene. Elohim, avwalile nge muthu, kwimana na mulukungu ha uvwalo Wenyi, kaha ambile ngwenyi omu Ikiye ahanyine luze lushiko; hanyima ya Sala kupwa na myaka nayite yakusemuka, kaha Apalahama na handulendi.

Kaha Sala asehele kukonya na chikovelu chenya, kaha ambile ngwenyi, “Nachiya nakupwa ngachilihi, omwo Apalahama kaha Kangwapwile nachoko, chamwaza, etu katwapwile nge vakweze ja vathuko, usoko wamuchisaka, pamo ha myaka twende.” Ikiye apwilenga na myaka yakusemuka handulendi. Ambile ngwenyi, “Yami, nguli na chipepa na mwata wami nawa, ngunakulu, kaha ikiye nawa nakulu, nawa? Kaha jila yakuyoya yafwa lyehi, kaha lijimo lyami linomu lyehi. Livele lyami linayi; mavele mumishisa anayi. Kachi Nakuchilinga ngachilihi?”

¹⁴⁰ Kalunga ambile ngwenyi, “Ngunashiki echi. Ikiye ali nakwiza, mwosena omwo!”

¹⁴¹ Shikaho mukiko alingile na Wesley. “Natuya ngachilihi nakwitavila kuhanjika mumalimi, kaha kuka cha Ukalunga, na vyangocho. Kacheshi chaetu mulikumbi linoko.”

¹⁴² Kalunga ambile ngwenyi, “Ngwashikile, ‘Mumakumbi akumakumishilo Nanguya nakuhingununa Shipilitu Yami hali vakwechi musonyi.” Ikiye ashikile kulinga echi, kaha Ikiye ayile nakutwalilaho nakuzeneka kulinga, mwosena omwo. Kaha liuka lya vaka Wesley, na chize chakwimichisa vyavindende vya vandumbwavo vamaapwevo, va Mbaputishiti, Pulishiteliyani, na Liuka lya Kulishitu, kaha Nazaleni, Pilgrim Holiness, na United Brethren, kaha ika ’shimbu kanda, kufwa haze vene na echi. Kaha eli Liuka lyatambukile nakuya.

Jino chumamuka va Pendekosita vanalingi? Kuwahisa chize chiyawu. Yinalingi chuma chochimwe. Yalivwasanyine ivene, kutwama ivene mu chiyawu. Echi chakwoloka.

¹⁴³ Pendekosita apwilenga Maliya. [Hatepu hapimbi—Muka.] . . . chiwayino cha pendekosita, tala chuma muka Maliya alingile. Chuma muka Maliya ahengesele? Ha chiwanyino, lwola lumwe, ikiye aliwanyine na lizavu lya vavalemu, tupilishitu. Omwo, Mwanenyi walunga, ikiye kawanyine lufwelello muli Ikiye numba kumwe. Kaha ikiye ayile kunyima, makumbi atatu aungeji.

Ikiye amusele Ikiye. Nge liuka lyakutona lya lelo, pamo kapapa katatu katanu, mokomoko twende faifi, vasele liuka, pamo myaka fifite kunyima okwo, mokomoko sevete faifi.

¹⁴⁴ Vamusele Ikiye ha chiwanyino cha pendekosita. Maliya akindulukile na Yosefwe, makumbi atatu, kumutonda Ikiye. Ikiye napunga nakumutonda Ikiye; kavamuwanyineko Ikiye.

Ikiye amuwanyine Ikiye. Chuma muka awanyine? Ikiye awanyine Ikiye ali mutembele, kushimutwila ha Lizu lya Kalunga na tupilishitu. Kaha kuze vene kulutwe lwavaze tupilishitu, vaze vavalemu, Maliya vamushikumwishile hamavu. Ikiye alingile vene chuma ikiye katelele kulingako.

Kumusanyika, “Kalunga; naye ya Kalunga”? Uze naye atelele kupwa na mangana amavulu kuhambakana mwana.

Kaha ikiye ambile ngwenyi, “Iso na Yami tunakutondo Ove na masoji, likumbi na ufuku.” Huu! “Iso na Yami,” kuvuluka nge chize kusemuka kachapwilenga cha ngolo jaukalungako, nge Yosefwe apwilenga ise ya Yesu. Ikiye akanyine kusemuka cha ngolo jaukalunga.

Pendekosita vambachileko kuhanjika mumalimi. Vakiko kukana Kusemuka cha eli Lizu. Echi chakwoloka chuma valingile. Nachiya nakumbata chumakana Echi, oloze kachashi kumbata chosena Echiko. Chakanyine Kusemuka cha Lizu, chochimwe nge omu alingile Maliya. Oloze, tala, kuli nakuya nakupwa chikungulwilo vikwavo hanyima ya Echi.

¹⁴⁵ Tala eli Lizu Livene, ohonyi, myaka twolufu yakusemuka, kupwa kaha chindende kunyima mu chiyawu, Ikiye ambile

ngwenyi, “Kawatachikijileko Ngwatela kupwa kumulimo wa Tata Yami?” Eli Lizu lyolwele lize liuka, haze vene.

146 “Chuma muka muli nakulingila vyuma vyosena evi? Munatachikiza enu kamweshi kuhasa kulinga *echiko*. Etu natuya nakusoka jino mapito etu; etu katweshi kukwitavilako ove kwingila.”

147 “Mwomwo tunatachikiza kamwatachikijileko nge Ngwatela kupwa ku mulimo wa Tata?” Talenu? Pundu, pundu, ngolo jaukalaunga ja muchano!

148 Kuhonowesa, ikiye amuvulukile Ikiye kupwa mwana walunga wa Yosefwe, uze muthu wamokomoko. Mokomoko, chuma va Pendekosita valingile, kulivuluka Ikiye kupwa “umwe hali vaze vatatu.” Hee! Ngunatachikiza echi nachikolesa, “umwe hali vaze vatatu.” Oloze Ikiye apwilenga uze utatu wosena, muli Umwe. Ikiye kapwilenga umwe hali vaze vatatu ko. Oloze va Pendekosita, “Mamalelo, eyo, Ikiye apwa Mwana na Tata, na Shipilitu Wajila, kahajino . . .” Mamaah, yami!

Oloze umwenemwene, Lizu lya muchano lyeji kuhanjika mwakwoloka, kaha lyambile ngwalyo, “Kuze kakweshi vatatuko. Kuli umwe wavo.” [Hatepu hapimbi—Muka.] Amena. Enu kamwatachikijile eli Lizu lya Kalunga? Kuvalingisa vatatu vavo; oloze Umwe.

149 Talisenu, kuze kakweshi kukapwa mukakumbatako, mauka ausemi, vikungulwilo, hanyima ya chize chiyawu chikakumbata.

150 Mwomwo, hanyima yachize chiyawu, kakweshi numba chuma chekako, kakweshi chuma chinasaleko oloze shina Linona. Echi chakwoloka? Lyatela kupwa Linona. Lyatela kupwa chuma chamuyachi woumwe chize chengilile mumavu, Yesu Kulishitu apwa youmwe zau, lelo, nahayamyaka, eyi Shipilitu yejile hali Mwenga nakulinga chuma chochimwe chize Ikiye alingile. Talenu? Linapu nakulisema cheka lize Linona.

151 Lize Lizu, chipwe apwile mukweze, kulihanjikila Livene, “Kaha kuhona kutachikiza nge Ngwatela kupwa kumulimo ya Tata Yami?” Huu!

152 Haze hakiko hali chiswamo cha Mujimbu jino, mukiko kaha, “milimo ya Tata.” Mulimo wa Ise chumamuka?

Munahase kushinganyeka mulimo wa Tata wapwilenga uka, muli Ikiye? Kuzalisa chuma Isaya ahanjikile, “Sanda mwakaya nakwimita.” Kusalisa chuma Isaya, ahanjikile cheka, “Chitonji mwakatumbuka nge kapaji,” kaha vyosena vyuma navikaya nakusoloka. Nge Mose ambile ngwenyi, “Ou Mwata Kalunga kenu mwakaya nakukatula Kapolofweto, kufuma mukachi kenu, wakufwana nge yami.” Uze wapwilenga mulimo wa Ise, kuzalisa lize Lizu.

Chamwaza, kachi chize nachiza nakuhita mu chikota, cha vakiko mapwevo vakuchisemwa; ngachilihi evi vikota vya kushipilitu, mapwevo vakuliuka? Mauka kulumununa mapwevo, *mapwevo* kulumbununa “mauka,” mukiko kaha. Echi chakwoloka?

Kahajino chinapu chumamuka jino? “Etu twatela kupwa kumulimo wa Tata,” ize Tiluku nayiya nakulila, lize Linona. Eyo, mwane. Chuma muka chatela kulinga? Kwinjikiza Malaki 4, kwinjikiza Luka 17:30, kwinjikiza Hepelewu 13:8, kwinjikiza Mukakujila Yowano 14:12, kwinjikiza Lizu Lyenyi lyosena. Kwinjikiza Hepelewu, Ngwatwale mu...Kusoloka, kapetulu 10, wakuokolola Tutachikijilo twa Seveni, kaha aze mangana akuswamana a Kalunga; nawaze a mbuto ya linoka, kaha vosena, navikaya nakusoloka; kumbata na kulukulula na osena mangana akwavo akuswamana aze anapunga akusweka mwishi ya jipanda myaka yosena eyi, kufuma ku vakakutanga vyayuthu na vyangocho, oloze yinapu jino hiola. Ou unapu mulimo wa Tata.

Shinganyeka vakiko navaya nakutambula Echi? Vakiko vanatondo kupwa vavalemese, kaha kuhanjika, “Chikungulwilo chetu kachatangisa etu Chizeko.” Oloze eyi Mbimbiliya yalinga ngachize. Echi chakwoloka.

¹⁵³ Kalunga kwinjikiza Echi kupwa muchano. Punduvene, Echi chili kuzalisa echi chisemunuino, omwo Tutachikijilo Seveni... Mokomoko, kwinjikiza vikungulwilo vinapunga vikakumbata kaha, chize chinapunga chimwe chikwavo cha mulimo wa Tata, kwinjikiza. Kaha mulimo wa Tata jino uli kusolola nge enu vikungulwilo kamweshi Venyiko. Vakiko vanapu vilinga vyakutunga kuvathu vize vinakane Lizu. Chakwoloka. Tachikizenu.

Enu ngwenu, “Chamwaza, Maliya, uze san-...wamunene sanda!”

¹⁵⁴ Ha kulusu, Ikiye kamuvulukile ikiye nge, “mama.” Ikiye amuvulukile, “pwevo,” mukakumbata, keshi mamako. Talenu? Muchano, ikiye apwilenga mukakumbata lize Lizu, oloze ikiye kapwilenga lize Lizuko. Ikiye apwilenga lize Lizu. Mamalelo, eyo.

¹⁵⁵ Tachikizenu, nawa, ikiye kapwilenga wakuokolola muli chize kusangukako hamwe na Ikiye. Ikiye afwile na kusanguka cheka, mwomwo Ikiye apwilenga lize Lizu. Ikiye apwilenga kaha mukakumbata. Ikiye afwile, kaha hanga ali muchimbumbwe. Echi chakwoloka. Shikaho, ikiye apwilenga kaha mukakumbata, keshi naye Venyiko, keshi Kalunga. Ikiye apwilenga kaha mukakumbata ngemauka osena. Echi chakwoloka. Kusolola ikiye apwilenga kaha mukakumbata, keshi Lizuko.

¹⁵⁶ Echa tusoke nakuhanjika echi. Mamalelo, Vapendekosita viselele, kujongangila nakujinguluka nge makuvi, kupwa

hamwe na kaye kulinga nge vosena valinga, “kupwa nge mukufwana kumukomoka kalunga, vakakuhungumwisa vakutamo kuhungumwisa navaze va Kusakula nge chashiwile, oloze kukana Ngolo jacho,” nge omu ahanjika kapolofweto hano. Chitalilo chakutamo cha kuhanjika cha Lizu lya Kalunga nge omu nachiya nakupwa mumakumbi akumakumishilo, chisemunuino cha Lauchiseya, “uselesele, upuputa, vakuvindama, vakuhutwa, vakumona lupi, kaha kavatachikizako; kulivuluka nge ikiye ali wamunene kaha mukakupita, ‘katonda chumako.’” Kaha kavatachikizako nge ikiye aliwakwalumuka kufuma ku chiselele, ndumbu walunga wakufwana na kapolofweto, kulama eli Lizu lya Kalunga vene; ikiye alumukile nakupwa likuvi, kaha kulisa vathu jenyi kutangisa cha vambwanda vakufwa. Echi chili vene chakwoloka. Tona! Yami! Hee! Namuya nakutonda kumitachikiza ngachilihi, momomoko kupwa swana hamwe na va ngonga, omwo vyuma kana nge chize mu ola yayinene omwo Kuhukula chineza?

¹⁵⁷ Mamalelo, Mukakulishitu, mamalelo, mukakufwelela, kachi enu munapunga mukakufwelela wahakachi, twalilaho kuya kukuliwana chindende kaha (namuya nakulingamo?), etu tukwechi chumachimwe hano nge Ngwafwelela Mwata natondo enu kutachikiza.

Echi chinapu chakukotokela; Kangweshi kutwalilahoko. Ngwatela kusoka, kaha pamo kukumisa hamane naufuku. Oloze, tala, echa etu tunongamenu mitwe yetu chindende kaha.

¹⁵⁸ Kangwatondele enu kutalisa nanguzachisa hanjikiso muka Ngwatela kuzachisa, oloze Ngwatondo enu kuliunjika munyutu chindende kuchuma Ngwatatela kuhanjika. Echi chili hatoma unahase kwivwushisa, Ngulivene, kachi enu mwafwila echi. Kachi ove uli hano ufukuuno, kaha enu muli chakuzeneka echi kutachikiza . . .

Kangweshi nakuhanjika . . . Enu namuhanjika, “Ngunakinyi mu Shipilitu, kutumbuka vyosena nakujujuluka.” Yaa, chiselele kulinga chumachochimwe, kupwa kaha nge makololo na makuvi. Ngulinakuhanjika echi.

Muli nakulya hachuma muka? Kulihi enu muli nakuwana kulya chenu cha hakumbihakumbi? Kulihi enu muli nakulila, kufuma ku Lizu lya Kalunga momomoko kulya cha mwaka chize vambilenga kunyima kuze, myaka na myaka okwo? Kutala kutachikiza chove, numba ufukuuno, na chumachimwe chize enu munambate myaka yayivulu okwo; momomoko echi chili chituta na ufuku wauhya, Mana amahya yinaholoka kufuma Mwilu, kaha enu muli nakulisa myono yenu hali Echi, kutala hamene ha chumachimwe chamwaza na kupwa kanawa? Kachi enu kamweshi muli ize jila kana, jino na mitwe yenu na meso enu akufwika, kaha michima yenu yakunongama, lihule ove lyavene echi kupwa chihula chivene.

Kaha keshi kuli yamiko, oloze Kalunga, unahase kuzundula livoko lyove muunjiho, ya kuhanjika echi, “Kalunga, kuhaka mwono wami na shipilitu yami, nge Ngunahase kulisa kaha Lizu lya Kalunga.” Munahase kuzundula livoko lyenu, kuhanjika. . . Kalunga amikisule. Kalunga amikisule.

¹⁵⁹ Ngunahono kutachikiza vene omu vavavulu hano, kuze, ufukuuno. Nguli wakuhutwa kusopesa likungumbwa, oloze Ngulinakuhanjika hamuchitatu, mokomoko kuhambakana, vakatwile mavoko aavo, echi vakiko vanatondo kuhaka myono. Echa etu twanukenu mu malombo jino nge etu twanongama mitwe yetu.

¹⁶⁰ Ove Kalunga, Yami nguli kaha nakwimanyina hakuhanjika eli Lizu. Kaha hali evi vyuma vyavindende vishimo vyavyashi, muyachi waundende, vathu kumona nge umwe keshi kuya nakupwa swana na vakiko veka. Kaha etu tunatachikiza nge mumakumbi akumakumishilo kuze kuya nakupwa vathu vali nakuya nakupwa nakuhukula kuya Mwilu, kaha vamwe vavo navaya nakupwa hano omwo Yesu kwiza. Kaha etu tuli nakutala hali Ikiye kwiza na ufukuuno.

¹⁶¹ Kaha Ngulinakushinganyeka ha seti, pamo seti mokomoko setiseli yamyaka okwo, kufukuma hano pamo lwola lwa ufukuuno, halwola lwa nayini seti mokomoko teni koloko, kulombela ise uze ajimbalile. Ufukuuno, Mwata, Ngulinakuhanjika ha visemi vavavulu, manevo vavavulu, na vandumbu vamalunga na vandumbu vmapwevo. Ove Kaweshi kuhasa kupwa na keke, ove Kalunga? Echi chinapu kukotokela jino ha masevo kulinga kalachuma hali chize; ikiye ahichile jingiza ja echi chiyoyelo. Kaha hazevene, Mwata, etu vosena natuya kuhita jila kana. Ngwa, nawa, vatela kuya mujila kana. Kala lunga na pwevo, kanyike walunga mokomoko wapwevo, muno, atela kuya mujila kana. Kaha etu natuya nakupwa vakuhula ha chuma etu nakulinga na Lizu lya Kalunga.

¹⁶² Uze lunga akehele ngachilihi omu asolokele, mumeso a Ndavichi, omwo ikiye apwilenga nakufwijila ikiye! Vakehele ngachilihi vaze vathu kushinganyeka, chize kufwijila hali Yesu uze Lizu, omwo Ikiye mwakakinduluka cheka, kaha navaze vamutuvile Ikiye. Navathu vavandende chapwile ngachilihi kwivwa uze atambukile kufuma haze na kumona numbathuhu. . . numbathuhu kaha mazu amanene achi Greek, na vyangocho, oloze muchisemwa chahatoma chize cheji kunangulanga etu Kalunga Tengi; kumona vaze vakakumbata lize Lizu, kaha kumona Lyavene Lizu, kaha kutachikiza ola etu tuli nakuyoya, kaha lwola lwakwaha luli hano.

¹⁶³ Ove Kalunga, echa etu kwalumuna nyima hali Echi, ha chuma chimwe cha kaye, oloze echa etu ufukuuno kutambula Ikiye na muchima wosena. Mwata, tenga shipilitu yamwaza muli yami, Shipilitu ya Kuyoya, mangana Nguhase kufwelela Mazu

Ove osena, kaha mwitavile Yesu uze Lizu, uze youmwe zau, lelo, kaha hayamyaka, na kufwelela lelo ha chihanda chize vanahane kuchisemunuino chino. Tuhanecho echi, Mwata. Ngwachilombo echi mu Lijina Iya Yesu.

¹⁶⁴ Kaha jino Ngulinakuya nakulomba na enu vosena, nge omu muli enu hano na kushinganyeka hali echi, chumachivene kanawa. Etu katweshi na liuka lyayenu mangana mulinunge nalyo. Etu tuli na chijiva kuze chakujimikamo, “Vavavulu vafwelelele vavajimikile,” kachi enu kanda lyehi vakujimike ha lujimiko Iwa Vakakulishitu. Chize kacheshi nakutwala nge kumwangila, kumwanga; chize kulumbununa kujimika. Keshi mumitwe ya Tata, Mwana, Shipilitu Wajila, oloze mu Lijina Iya “Yesu Kulishitu,” nge liuka lyosena lyapwilenga kujimikiwa, palanga nge liuka Katolika mu 303 vamusolwele mu tulunga vatatu kaha jijila jitatu jakujimikila, mu mitwe yautatu. Kachi enu kamweshi kupwa nachizeko, hamene nachimene ha teni koloko kuze vivwalo na vyuma vili nakuvandamina hali enu kuze.

¹⁶⁵ Kaweshi kuhasa kwizako na kulinunga na Yesu Kulishitu, keshi na etuko. Etu katweshi na liukako numba hano lyakuhasa kumizakamina enu. Yako kukala liuka enu munatondo, kwosena okwo enu munafuminyina, oloze, ngwalembe, fwelela eli Lizu. Ove wafwelela echi? Hanjika, “Amena.” [Chikungulwilo ngwacho, “Amena.”—Muka.] Kalunga amikisule. Echa enu mulinge. . .

¹⁶⁶ Kuliko chumachimwe etu tunahase kumikafwa enu, etu tuli hano nakulinga echi.

¹⁶⁷ Jino, Ngunatachikiza kuli vakakuviza hano. Lwola lwetu lunayi nakufuma kuli etu, ufukuuno, ha mukana wakulombela. Pamo etu natuya nakupwa nacho, chipwethuhu. Ngwatondo umwe wayenu kulinga chumachimwe kulingila yami. Enu munatwame hakamwihi na muthuumwe; hakenu mavoko enu hali owo muthu.

Kaha kanda kukakasana ove unahake livoko hali ngonga, pamo ngonga uze napunga nakulya chize kulya cha likuvi kumwe; naviji hali chize. Vakiko kavatondele echi chekako. Vakiko vanatondo kwiza nakulovoka kufuma muli chize. Vakiko vali vakakuviza kaha vanazeye hali echi. Kutwama hano ufukununo na kumona va ngonga vatela kulya ika, lize Lizu, kaha nakupwa na Kulishitu wa kuyoya mukachi kavo, kulwekesa Lyavene ayoya, youmwe zau, lelo, na hayamyaka. Vakiko kavatonda kupwa va swana na viyawuko; vikiko vili vyakuwema. Visachi vyosena na vyuma vili vya kuwema. Chize kufutula chili nakwiza nakuhengesa Tiliku. Ove unatondo kupwa Tiliku.

¹⁶⁸ Kakweshi vamwe vanaviji, vamwe vanaviji mumijimba. Ngwatondo enu mulombe, ngonga. Lombela ndumbwove

walunga, ndumbu wapwevo ngonga hano, shimbu na Ngulombelela enu hano. Echa Shipilitu ya Kalunga yizenga hali enu.

¹⁶⁹ Anuka, Ngulinakumihana enu Kulya cha Ngonga, elu lushiko lwa Kalunga. Ikiye eji kuvuluka tupolofweto Tweny kupwa va, “ngonga.” Ikiye eji kulivuluka Lyavene kupwa “uze Ngonga,” Ikiye apwa Yehova Ngonga. Kaha shimbu enu namupwa na mavoko akuhaka hali umwe namukwavo, valombelelenu.

¹⁷⁰ Ove Tata wa Mwilu, Lizu Lyove lyambile ngwalyo, kutuma Chove chamakumishilo ku Liuka Lyove, lyapwilenga, “Yako mukaye kosena, kaha kunangula ou Mujimbu,” kutuma chakwosena, “wosena mwafwelela kaha vana mujimika navakamulwila; wosena mwahona kufwelela navakamupaisa. Evi vinjikizo navikakavangiza vaze vakakufwelela; mu Lijina Lyami vakiko navakatapula vandemoni; vakiko navakahanjika malimi amahya; kachi vakiko navakanwa kala chuma chakufwa, kacheshi kuhasa kuvakolesako; kachi vakiko navakambata manoka, vakiko kaveshi kuhasa kuvakolesako; kaha vakiko navakahaka mavoko avo hali vakakuviza, vakiko navakayoya.”

Ove Yehova Ngonga, lisa ava vavandende Vove ufukuuno hali eli Lizu, Mwata. Vakiko vanatondo. Echi chikiko kulya vakiko vanatondo. Omu mukiko vanatondo, kutachikiza Kulya kana chika, ika MUKIKO MWANAMBE MWATA.

¹⁷¹ Ove washikile, kachi vakiko navakahaka mavoko hali umwe namukwavo, nge vakiko navakaya nakuyoya. Ove Mwata Kalunga, fumisa kukakasana chosena na vishinganyeka vya likuvi kufumisa muli etu jino. Kaha etu twakulya vene hali Kulya cha Ngonga, cha eli Lizu lya Kalunga.

¹⁷² Echa kala shipilitu wamupi uze ali muli ava vathu, kala shipilitu ya kukakasana, kala shipilitu ya woma, kala kulikasa cha vikungulwilo, kala tato, kala misongo, kala musongo ize ili mukachi kavathu, kuvaseza. Mu Lijina lya Yesu Kulishitu, echa vafume muli eli lizavu lya vathu. Kaha echa vakiko vapwenga vakukasunuka kufuma halwola luno, mangana vakiko vahase kulya Kulya cha Ngonga nge omu etu twafwelela Ove nauya nakutuma kuhichila mumulungu, Mwata, kuhokola etu Tutachijikilo na kutulwekesa etu aze mangana akuswamana aze anapunga akusweka kufuma kukwala chihela cha kaye, nge omu Ove washikile. Vakiko vali Vove, Tata. Mu Lijina lya Yesu Kulishitu. Amena.

¹⁷³ Vosena vaze vanafwelela na kwitavila, imana namahiji, hanjika, “Ngwafwelela. Ngunetavila. Chize Kalunga ashikile kuli yami, Ngwatambula.” [Chikungulwilo kuzungumuka na lizu kwitavila—Muka.]

Ou Mwata amikisule enu. Echi chinapu chamwaza. Kala muthu kwimana! Echi chamwaza.

Mwakwimbila, *Ngwamuzanga Ikiye*. Echa etu twimbenu ou mwaso kuli Ikiye jino, “Ngwamuzanga Ikiye, Ngwamuzanga Ikiye mwomwo Ikiye chatete anguzangile yami.” Vosena hamwe jino.

Ngwamuzanga Ikiye,

Kachi ove mulingamo, echa tukatule mavoko etu.

Ngwamuzanga Ikiye

Mwomwo Ikiye watete kunguzanga yami

Kaha alanjile ulwilo wami

Ha mutondo wa Kavali.

¹⁷⁴ Mamalelo, keshi Ikiye wamwazako? [Chikungulwilo ngwacho, “Amena.”—Muka.] Echa tulimeneke mumavoko na umwe namukwavo. Ndumbu walunga Eagle, alumuka kaha, ndumbu wapwevo, limenekenu mumavoko, shimbu etu tuli nakwimba.

Ngwamuzanga Ikiye . . .

Ndumbu walunga Eagle! Ndumbu walunga Eagle! Ndumbu walunga Eagle, kuzachila eli Lizu! Charlie, ove uli ngachilihi? Kalunga akukisule, ndumbu walunga. Kuwaha kumona ove! Kalunga akukisule, ndumbu walunga. Kalunga akukisule, ndumbu walunga Eagle. Kalunga akukisule.

Ha mutondo wa Kavali.

Echa tukatulenu mavoko etu cheka kuli Ikiye.

Ngwamuzanga Ikiye, Ngwamuzanga Ikiye

Mwomwo Ikiye avangilile kunguzanga . . .

Kaha Ikiye akulingishile ove kupwa ngonga!

Kaha alanjile ulwilo wami

Ha mutondo wa Kavali.


¹⁷⁵ Nauya ngachilihi nakutachikiza, kaye nakakaya nakutachikiza ngachilihi nge ove wamuzanga Yesu? Omwo etu twazanga umwe namukwavo. Omu mukiko kaye . . . Talenu, Kalunga kumona lufwelelo lwove; kaye keji kumona vilinga vyove. Zanga umwe namukwavo jino. Pwako wakuunda umwe namukwavo. Hanjika umwe namukwavo. Pwenu vakuunda kuli umwe namukwavo.

Kaha kala jindondelo jikwavo etu tunahase kuhana, lujimiko, kutonda eyi Shipilitu Wajila . . . Etu katweshi na kala kapete hano kulinga chize, enu munevwushisa. Kusanyika chakukamenga, kachi Kalunga nakukunyukisa nge Echi chakwoloka, nge Yesu Kulishitu apwa youmwe zau, lelo, na hayamyaka, kaha enu mwatondo kulinunga na Ikiye, yako kaha pwako wakujimika mu Lijina Lyenyi, hamene. Kuze nakupwa malunga kumilongesa. Kalachuma tunahase kukukafwa ove, etu natuya nakulinga echi.

Ngwamuzanga Ikiye, Ngwamuzanga Ikiye

Enu muli kujishinga jino, Tucson, muli ku California, mbwe na Kumututuko, zundula mavoko enu, na okwo...?... Mwalisenu Ikiye!

Alanjile ulwilo wami

(Hiya mwaya nakutumwanga? Kulumuka kuli Ndumbu walunga Neville...?...) Jino, palanga na ufuku wa hamene, Ngulinakuhana Ndumbu walunga Neville, kafunga ketu. 

MBUTO KAYESHI KUHASA KUKASWANA
HAMWE NA CHIYAWUKO LVE65-0218

(The Seed Is Not Heir With The Shuck)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chiwana na chingoloshi, Kutatu 18, 1965, ku Parkview Junior High School mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org